

貞

宋季忠義錄



宋季忠義錄卷十二

熊禾

四明萬斯同輯

南書



熊禾字去非號勿軒一號退齋建陽人總角能屬文

洛陽園之奈訪文公門人輔氏而從游焉既博通五經

遍覽諸子百家之論奉進士授汀州司戶叅軍入元不

仕築室雲門從學累百一時名士若胡廷芳顏君履皆

從之游州縣咸尊以師禮謝枋得聞禾名自江右來訪

及會共訴宋亡之恨抱持而哭曰今天下皆賊也所不

為賊足下與我耳道義契合不能卒別相與講論朱子

之道益明舊聞激通撒新知而胡庭芳夙精易學亦自江

西挾道相訪相與講切者不以年禾與庭芳論學謂

秦漢以下。天下所以無善治。儒者無正學也。儒者所以無正學。六經無完書也。考亭夫子集正大成。平日得力在易。四書詩書儀禮。僅完書。開端而未及竟。雖有書祭氏。猶未大暢厥旨。三禮雖有通解。缺而未補。尚多至勉齋黃氏信齋楊氏。粗完喪祭二書。而授受損益精意。竟無能續。若春秋則不過發其大義而已。兵難之餘。學徒解散。文集燬亡。早歲成春秋通解一書。又厄於火。無以齒髮向衰。扼厄我滋甚。余雖與君講切。十有七年。易詩書僅爾就緒。春秋更加重纂。則皇帝王霸之道。亦或粗備。惟三禮乃文公與門人三世未了之書。庭芳當分任此

責以畢吾志。其後竟修儀禮。未及成書。卒福寧陳益方足而成之。以為禮編。所著有四書標題。三禮考異。春秋論孝經序。李解。

陳普

閩書

陳普字尚德別號懼齋福安人。居石堂山。學者稱

石堂先生。初淳熙間。朱文公過石堂。異其風土。曰。後數

十年。此山中當出儒者。能讀天下書。十八九。普生當理

宗。淳熙甲辰。鷓鴣百數。繞屋稍長。入鄉塾。有大人志開

韓翼甫。倡道浙東。負笈從游。韓之學出慶源。輔氏。輔朱

門高弟也。采鼎既移。決意卷藏。朝廷三使辟為本省教

授。不起。開門授徒。歸然以斯道自任。四方及門。歲數百

人。館里之仁。峯僧舍。至不能容。建州劉純父。聘主雲莊

書院。熊勿軒。留講鼇峯。丞相劉文簡。屬修黃楊二家喪。

祭禮、因并晦庵所纂為三十卷、尋講學既廣、在德興初、
庵書院尤久、嘗與游翁山范天碧、謝子祥、極論太極圖、
旨、晚在莆中、十有八年、造就益眾、出其門者如韓、同、
楊、琬、余載黃裳、輩、並以正學為時所宗、嘗曰、性命道德、
五常、誠、敬、等字、在四書六經、譬如斗極、列宿之在天、五、
嶽、四瀆之在地、舍此不求、更學何事、少壯時、銳然有經、
世志、謂三代之治、莫善井田、作書數千言、欲上於朝、屬、
不仕而止、著字義一卷、凡百五十三字、出授門人、識者、
謂比之程正思、陳安卿、詳略適中、而正義指辭為尤精、
又有四書句解、鈴鍵、學庸旨要、孟子纂圖、周易解、尚書、

補微、四書六經講義、渾天儀論、天象賦、詠史詩、斷、九數、
百卷、元延祐乙卯、卒于家、年七十二、
閱書下同

黃仲元

閩書

黃仲元字善甫莆田人父績字德遠從李于陳宓潘柄
得朱子之傳集同志十餘人十日一講習宓柄卒建東
湖書堂春秋祀之所著有四書遺說諸書仲元幼有立
志好濂洛閩閩及父所傳陳潘二氏之學又集唐宋名
文二百四十二家李為古文盛有時名咸淳七年中省
試第五廷對以直言忤時宰賜同進士出身監瑞安府
比較務家貧陳文龍延之二劉祠堂一月兩講為李于
師九年捧檄考類試歸過劔州知州事江萬頃延之郡
齋未幾萬頃兄萬里招致芝山書院明年旋里又明年

德祐改元始赴任三年春京師陷端明殿李士陸秀夫
至瑞安一見仲元大器之趣令赴閩充益王府撰述官
兼制置司幹辦公事景炎二年調刑工部架閣以通
直郎改武學諭遂轉朝奉郎國子監簿兼福建招捕司
都叅議官仲元悉辭不赴而朝命屢加及崖山師覆秀
夫投海死仲元賦詩慟哭遂隱居不仕更名淵字天叟
四方來受業者導以洛閩之季多所成就為文章文質
相叅務以理勝卒於元皇慶元年八十有二

宋濂序苗田曰如先生後集序曰

濂成童時即讀四如先生諸經說見其立論精微鑿

過人遠甚未嘗不慕豔之稍長歷求先生之事迹然後
知其淵源之所自而凝道之有方也蓋先生居莆陽唐
御史滔十二代孫世為儒家其父績師事廐山潘公柄
復齋陳公宓二公實考亭朱子勉齋黃公之高第弟子
也先生夙承父訓年十二試奉子業鄉校多占前列後
二十九年始擢成淳辛未進士第調監瑞安府比較務
未上名公鉅鄉爭聘之為講師而丞相江公萬里挽之
尤力聲譽翕然動於一時德祐乙亥冬始之官與簽樞
陸公秀夫遇陸公一見極器之明年丙子杭都已陷國
事不可為陸公趣先生至行都充益王府撰述官兼處

德祐改元始赴任三年春京師陷端明殿李士陸秀夫
至瑞安一見仲元大器之趣令赴閩充益王府撰述官
兼制置司幹辦公事景炎二年調刑工部架閣以通
直郎改武學諭遂轉朝奉郎國子監簿兼福建招捕司
都叅議官仲元悉辭不赴而朝命屢加及崖山師覆秀
夫投海死仲元賦詩慟哭遂隱居不仕更名淵字天叟
四方來受業者導以洛閩之李多所成就為文章文質
相叅務以理勝卒於元皇慶元年八十有二

莆田四如先生黃公後集序

宋濂

濂成童時即讀四如先生諸經說見其立論精微鑿

過人遠甚未嘗不慕豔之稍長歷求先生之事迹然後
知其淵源之所自而凝道之有方也蓋先生居莆陽唐
御史滔十二代孫世為儒家其父績師事廐山潘公柄
復齋陳公宓二公實考亭朱子勉齋黃公之高第弟子
也先生夙承父訓年十二試奉子業鄉校多占前列後
二十九年始擢咸淳辛未進士第調監瑞安府比較務
未上名公鉅鄉爭聘之為講師而丞相江公萬里挽之
尤力聲譽翕然動於一時德祐乙亥冬始之官與簽樞
陸公秀夫遇陸公一見極器之明年丙子杭都已陷國
事不可為陸公趣先生至行都充益王府撰述官每處

置使司幹辦公事、改刑工部架閣、以通直郎陞武季諭、
遂轉朝奉郎、國子監簿、兼福建路招捕使司都叅議官、
先生皆辭不就、宋既改物、歸隱重山、密林不與世接、四
方有受季者、先生為數繹瀛洛、周國之說、而周導之、其
為文詞、務以理勝、不暇如他文士、馳聘葩藻、以為工、而
當時求者、紛如也、門人武夷詹清、子類、次六經四書、講
義為六卷、刊之、而先生之子元、汀州路總管府知事、梓
又分記序墓銘、字訓之屬、為五卷、而刊之、先生年八十
二而終、遺文流落於薦紳者尚多、其曾孫鄉貢進士至、
又裒集為十卷、將刻、諸梓、介楚王府伴讀陳子晟、徵瀛
為序、以傳瀛、聞瀛洛中微、考亭未興、艾軒林公光朝、獨
倡道莆陽、從之者如歸市、紅泉東井之季、乃聞於天下、
涇山林公亦之、實紹艾軒之傳、涇山之後、樂軒陳公藻
又起而繼之、樂軒家長樂、涇山居福清、咸來講季、東井
而風聲所被、氣習所薰、人皆有鄒魯之行、及乎瓜山、復
齋之起、推闡考亭、經訓、東西角立、化行而教孚、文質尤
彬彬、可觀、先生產於艾軒之鄉、耳目之所濡染、固已先
立乎其大者、復因父師之故、矻、窮年、遂探考亭之正緒、
則其所著皆六經之微、所宣宣皆天地之秘、誠有未易涯
涘者、柰何道未及行、而宋祚已移、識者不能不為之惜、

也。先生之所蘊，與不可傳者固已隨物俱化。若并其遺文同就泯滅，不亦重可惜哉！先生之子若孫，孜孜以傳世為務，可謂不死其親者矣。溯年耄而昏，避求文者如避仇敵，甚不得已。多令季子代之。今以童年慕之，久免狗至等聆請，而躬序之如此。然先生之集，自能行世，亦不藉區區之文而後傳也。先生姓黃氏，諱仲元，字善夫。後改名淵，字天叟，別號韻鄉老人云。

金履祥

宋史

金履祥，字吉父，婺之蘭谿人。其先本劉氏，後避吳越錢武肅王媿名，更為金氏。履祥從曾祖景文。當宋建炎，紹興間，以孝行著，稱其父母疾，齋禱于天，而靈應隨至。事聞于朝，為改所居鄉曰純孝。履祥幼而敏，睿父兄稍授之書，即能記誦。比長，益自策勵。凡天文、地形、禮樂、田乘、兵謀、陰陽、律曆之書，靡不畢究。及壯，知向濼洛之季，事同郡王相浚，登何基之門。基則季于黃幹，而幹親承朱熹之傳者也。自是講貫益密，造詣益邃。時宋之國事已不可為，履祥遂絕意進取，然負其經濟之畧，亦未忍遽

忘斯世也會襄樊之師急宋人坐視而不敢救履祥因
進率制擣虛之策請以重兵由海道直趨燕薊則襄樊
之師將不攻而自解且備叙海舳所徑九州縣郡邑下
至巨洋別島鳥難易遠近歷歷可據以行宋終莫能用及
後朱瑄張清獻海運之利而所由海道視履祥先所上
書咫尺無異者然後人服其精確德祐初以迪功郎史
館編校起之辭弗就宋將改物所在盜起履祥屏居金
華山中兵燹稍息則上下巖追逐雲月寄情嘯咏視
世故泊如也平居獨處終日儼然至與物接則益然和
懌訓迪後季諄切無倦而尤篤于子義有故人子坐事

盡
如
子
文

母子分配為隸不相知者十年履祥傾貲營購卒贖以
履祥終不自言相見夢向幸若也何基至相之喪
完其子後貴履祥率其同門之士以義制服觀者始知

師弟子之繫於常倫也履祥嘗謂司馬文正公光作資
治通鑑祕書丞劉恕為外紀以記前事不本於經而信
百家之說是非謬於聖人不足以傳信自帝堯以前不
經夫子所定固野而難質夫子因魯史以作春秋王朝
列國之事非有玉帛之使則魯史不得而書非聖人筆
削之所加也况左氏所記或闕或誣凡此類皆不得以
辟經為辭乃用邵氏皇極經世曆胡氏皇王大紀之例
損益折衷一以尚書為主下及詩禮春秋旁採舊史諸

子表年繫事，斷自唐堯以下，接于通鑑之前，勒為一書。二十卷，名曰通鑑前編。凡所引書，輒加訓釋，以裁正其義。多儒先所未發，既成，以授門人。許謨曰：二帝三王之盛，其微言懿行，宜後王所當法；戰國申商之術，其苛法亂政，亦後王所當戒。則是編不可以不著也。他所著書曰大孝章句疏義二卷，論語孟子集註考證十七卷，書表注四卷，調為益加校定，皆傳于孝者。天曆初，廉訪使鄭允中表上其書于朝。初，履祥既見王栢，首向為孝之方，栢告以必先立志。且奉先儒之言，居敬以持其志，立志以定其本。志立乎事物之表，敬行乎事物之內。此為

孝之大方也。及見何基，謂之曰：會之屢言賢者之賢，理欲之分，便當自今始。會之蓋栢字也。當時議者以為基之清介純實，似尹和靜。栢之高明剛正，似謝上蔡。履祥則親得之二氏，而尤光於己者也。履祥居仁山之下，孝者因稱為仁山先生。大德中卒。元統初，里人吳師道為國子博士，移書孝官祠履祥於鄉。孝至正中，賜諡文安。

衛富益

松江府志

衛富益號耕讀居士華亭人文節公涇之裔宋亡日夜
悲泣設壇具祭文天祥陸秀夫張世傑詞極哀慘觀者
無不墮淚嘗負笈往從金履祥許謙受學以齒齊名
重不敢當北面禮悉究性命之學許卒為制服既而歸
曰生何與草木禽獸同朽腐且先世歷蒙宋澤耻辱夷
元嗟乎夷齊何人耶馮范何人耶遂決意不仕隱居教
授創白社書院于石人涇陽春秋社日祝先聖鄉賢會
布衣友賦詩講道縉紳不得就列士人高之至大向有
司欲荐聞不就携仲子隱于湖之金益山所著四書攷

証性理集義易經集說讀史纂要耕讀怡情守錄至治
間長子迎養還故里不言世務不履城市或有乞詩文
者辭之嘗語諸子曰士子品三道德為上功名富貴何
足慕哉一日遘微疾悉焚所著書集曰吾志晦迹安用
名世况玄妙處宋儒究盡吾錄糟粕何益于後卒年九
十六門人私謚曰正節先生

松江府志

許讓

宋史

許讓字益之其先京兆人九世祖延壽宋刑部尚書八
世祖仲容太子洗馬仲容之子曰洸曰洞由進士起
家以文章政事知名于時洸之子寔事海陵胡瑗能以
師法終始者也由平江徙婺之金華至讓五世為金華
人父觥登咸淳七年進士第仕未顯以歿讓生數歲而
孤甫能言世母陶氏口授孝經論語入耳輒不忘稍長
肆力于學立程以自課取四部書分晝夜讀之雖疾恙
不廢既乃受業金履祥之門履祥語之曰士之為學若
五味之在和醢醬既加則酸醎頓異子來見吾越三日

而猶夫人也。豈吾之奈無以感發于耶。謠聞之。揚然居揚
數年。盡得其所傳之奧。於書無不讀。窮探聖微。雖殘文
羨語。皆不敢忽。有不可通。則不敢強。於先儒之說。有所
未安。亦不苟同也。讀四書章句集註。有叢說二十卷。謂
李者曰。奈以聖人為準的。然必得聖人之心。而後可奈
聖人之事。聖賢之心。其在四書。而四書之義。備于朱子。
顧其辭約意廣。讀者安可以易易心求之乎。讀詩集傳。有
名物鈔八卷。正其音釋。及其名物度数。以補先儒之未
備。仍存其逸義。旁采遠援。而以己意終之。讀書集傳。有
叢說六卷。其觀史。有治忽。幾微。倣史家年經國緯之法。
起太皞氏。迄宋元祐元年秋九月。左僕射司馬光卒。備
其世數。總其年歲。原其興亡。若著其善惡。蓋以為光卒。則
中國之治。不可復興。誠理亂之幾也。故附於續經。而書
孔子卒之義。以致其意焉。又有自省編。畫之所為。夜必
書之。其不可書者。則不為也。其他若天文地理典章制
度。食貨刑法。奈字音韻醫經術數之說。亦靡不該貫。旁而
釋老之言。亦洞究其蘊。嘗謂奈者。孰不曰闢異端。苟不
深探其隱。而識其所以然。能辨其同異。別其是非也。幾
布。又嘗日讀九經儀禮。及春秋三傳。於其宏綱要領。錯
簡衍文。悉別以鉛黃朱墨。意有所明。則表而見之。其後

吳師道購得呂祖謙點校儀禮視讓所定不同者十有三條而已。謙不喜矜露，所為詩文非扶翼經義。張世維教則未嘗輕筆之書也。延祐初，謙居東陽八華山，李者翁然從之，尋開門講學，遠而函冀齊魯，近則荆揚吳越，皆不憚百舍，來^受業焉。其教人也，至誠諄悉，內外殫盡，嘗曰：「已有知，使人亦知之，豈不快哉？或有所問難，而詞不能自達，則為之言其所欲言，而解其所惑。討論講貫，終日不倦，攝其粗疎，入於密微。聞者方傾耳聽受，而其出愈真切，情者作之，銳者抑之，拘者開之，放者約之。及門之士，著錄者千餘人，隨其材分，咸有所得。然獨不以科

舉之。文授人曰：「此義利之所由分也。」謙篤於孝友，有絕人之行，其處世不膠於古，不流于俗，不出里閭者四十年。四方之士，以不及門為耻。譜紳之先生之過其鄉邦者，必即其家存問焉。或訪以典禮政事，謙觀其會通而為之折衷。聞者無不厭服。大德中，熒惑入南斗，向已而行譏以為灾，在吳楚，竊深憂之。是歲大祲，謙貌加瘠。或問曰：「豈食不足耶？」謙曰：「今公私匱竭，道殣相望，吾能獨飽邪？其處心蓋如此。」廉訪使劉庭直、副使趙宏偉皆中州雅望，於謙深加推服，論薦于朝。中外名臣列其行義者，前後章數十上，而郡復以遺逸應詔。鄉闈大比，請司

其文衡皆莫能致至其晚節獨以身任正李之重遠近
李者以其身之安否為斯道之隆替焉至元三年卒年
六十八嘗以白雲雲山人自號世稱為白雲先生朝廷賜
謚文懿先是何基王栢及金履祥歿其李猶未大顯至
謝而其道益著故李者推原統緒以為朱熹之世適江
浙行中書省為請于朝建四賢書院以奉祠事而列于
李官宋史下同

胡一桂

宋史

胡一桂字庭芳徽州婺源人父方平一桂生而穎悟好
讀書尤精于易易初饒州德興沈貴寶受易易於董夢程夢程

受朱熹之易易於黃榦而一桂之父方平及從貴寶夢程
李嘗註易易李啓蒙通釋一桂之李出于方平得朱熹氏
源委之正宋景定甲子一桂年十八遂領鄉薦試禮部
不第退而講李遠近師之號雙湖先生所著書有周易
本義附錄纂疏本義啓蒙翼傳朱子詩傳附錄纂疏十
七史纂並行于世宋史

韓性

興

宋史

韓性字明善紹興人其先家安陽宋司徒萇侍中魏忠
獻王琦其八世祖也高祖左司郎中膺胄扈從南渡家
于越性天資警敏七歲讀書教行俱下日記萬言九歲

通小戴禮作大義操筆立成文意蒼古^老生宿李皆稱
異焉及長博綜羣籍自經史至^諸子百氏靡不極其津
涯究其根柢而於儒先性理之說尤深造其圃域其為
文辭博達雋偉變化不測自成一家言四方李者受業
其門戶外之履至無所^容延祐初詔以科奉取士李者
多以文法為請^性語之曰今之貢奉悉奉朱熹私議為
貢奉之文不知朱氏之李可乎四書六經千載不傳之
李自程氏至朱氏發明無餘蘊矣預行何如耳有德者
必有言施之場屋直其末事豈有他法哉凡經其口授
指畫不為甚高論而義理自勝不期文之工而不能不
工以應有司之求亦未始不合其繩尺也士有一善必
為之延譽不已及辨析是非則毅然有不可犯之色性
出無與馬僕御所^通負者息^肩行者避道巷夫街叟至於
童穉廝役咸稱之曰韓先生韓先生云憲府嘗奉為教
官謝曰幸有先^公之^廬可庇風雨薄田可具饘粥讀
書^制行無愧古人足矣祿^任非所願也受而不赴暮年愈
自韜晦然未嘗忘情於斯世郡之良二千石政事有所
未達輒往咨訪性從容開導洞中肯綮裨益者多天歷
中趙世延以姓名上聞後十年^人李齊為南臺監察
御史力奉其行義而性已卒矣年七十有六卒後南臺

御史中丞月魯不花嘗奉于性言性法當得謚朝廷賜
謚曰莊節先生其所著有禮記說四卷詩音釋一卷書
辨疑一卷郡志八卷文集十二卷宋史

刘友益

吉安府志

刘友益永新人家貧力學嘗為人傭書以給膏火或竟
夕危坐默誦不少休積十數年經傳子史天文地志律
曆象數靡不淹貫宋末兵亂卜築山間不與世接者通

揭文公名錄斯序之曰書法五十九卷揭文安公序之謂昔之知春秋

莫如朱子世之言綱目者非深知朱子意如朱子之知
春秋者不能言能言未有若刘子綱目書法者也書法
之作積勤三十年寸較銖評其微詞隱義不但啓千載
之秘中盖有亡窮之憂其志可謂遠也已矣為人外通
内介精神滿然年八十五卒揭公漫為之銘其墓居邑

御史中丞月魯不花嘗奉于性言性法當得謚朝廷賜謚曰莊節先生其所著有禮記說四卷詩音釋一卷書辨疑一卷郡志八卷文集十二卷宋史

刘友益

吉安府志

刘友益永新人家貧力學嘗為人傭書以給膏火或竟久危坐默誦不少休積十數年徑傳子史天文地志律曆象數靡不淹貫宋末兵亂卜築山間不與世接者通鑑綱目書法五十九卷揭名後斯文安公序之謂昔之知春秋莫如朱子世之言綱目者非深知朱子意如朱子之知春秋者不能言能言未有若刘子綱目書法者也書法之作積勤三十年寸較銖評其微詞隱義不但啓千載之秘中盖有亡窮之憂其志可謂遠也已矣為人外通内介精神滿然年八十五卒揭公浚為之銘其墓居邑

西水窓、孝者稱為水窓先生。
吉安府志

汪炎昶字茂遠宋源表其墓志
孫高許月卿

新安之婺源有隱君子甲江先生諱炎昶字茂遠孝聖

果源

新宋源

賢之道不求聞於世年七十八以元重紀至元戊寅四月二十四日終於家初元既滅宋太孛生孫公蒿悲號不自勝歸隱海寧山中誓不與世接發為賦詠以寄其無窮之思孫公同時進士許公月卿亦入婺源山中製齊衰服之以識其終身哀宋之意此二公者皆新安之節義士先生受孛於孫公而與許公門人交友故自少慨然無仕進志先生壯時元有天下已久宋之遺俗變且盡矣而先生衣冠動作語言禮度猶宋人也後

生小子去宋遠無從徵之見先生咸以為前代之遺賢而先生亦曰吾古逸民也李者因稱之為古逸云先生少凝重記憶不能過人然刻苦專篤雖執^此提枕不廢誦習力久思深該貫^弘必博遂無所不覽要其歸宿精索於六經而詳究於孔子孟軻曾參子思之言參之以伊洛大儒傳註之說^繫析髮解日攻月較不過求為異而亦不苟為同其矧自得既形於言雖不欲求人之知然人有辯其未至者必樂而從之終其身未嘗自以為是也其教人履庭躋級具有條序為文奇而不肆過時觸物輒為詩以達其情婉切悽壯人傳誦之蜀郡虞文靖公集巴西鄧文肅公文原皆盛稱其材而先生志操之高人莫之知也先生家貧事母能致其樂母年八十九先生亦老矣夔[、]祇肅進食奉水必躬親之母為忘其貧先生將終整冠坐命家^人其蔬食少食置^{勸戒}諸子以祭祠之禮言畢正身歛手而逝

宋源撰墓志銘

俞公墓表

俞金字叔器別號時齋王禮表其墓曰

元既有江南以豪俊粗戾變禮文之俗未數十年薰漬

狃狎胥化成風而宋之遺俗銷滅盡矣為士者辮髮短

衣效其語言容飾以自附于上冀速獲仕進否則訕笑

以為鄙怯非確然自信者鮮不為之變是時金華俞先

生獨率其家以禮深衣我冠談說古道客造門肅威儀

俯首拱而趨以迓至門左右立三揖至階揖如初乃升

及位又揖者三每揖皆有辭相稱慰慶贊周旋俯仰辭

氣甚恭鄉人小子去宋久不知宋俗皆然或竊指先生

為異或尤以為迂緩先生不顧也年七十有二卒于元

至治四年正月十七日先生既亡而宋之遺俗無有知者矣先生諱金之先在字叔器別號時齋其先杭州吳越錢氏時有仕其國為戶部尚書兼營田使者恩帛嘗道婺義烏愛其地遂遷邑之鳳林鄉戶部生德銓德銓生諤又徙金華之孝順鎮諤生海生善轉善智各有子四人皆為儒惟善智子昌言宋大觀三年上舍釋褐進士知永豐蕭山二縣而善轉子奉復家溪南之琴山奉生某縣主簿允中允中生性生咨益咨生壽生義先生父也母金氏先生少好學善自程督鉤發窺索水涵木滋月長歲化壯而有名一試不合有司即退修于家于

經史有潛心梭訂較辨疑昧多所附益學者師尊之受業者繼于門先生年愈加志愈篤為學晚而弥成人望其致于用而宋亡矣故先生之名不大顯于世惟發之文章以自見久而亦散軼不傳世由是無從知先生知而言之者鄉人而已然先生所存鄉人未必知之其詳者惟子孫暨至曾孫則已疎矣使更越數世復有知者乎篤于自信者固不卹乎人之知否然德如先生而弗傳則天下之為善者寡矣禱是以論列之以見不苟合乎一時者乃所以合乎後世也

王城墓表

王濟

先生諱城字玉成王濟表其墓曰不全稱其字而用成齋

為先生稱者尊之辭也王氏系出太原五代時有為

節度使曰唐起者來居婺義烏之鳳林鄉至宋自鳳林

徙居郡城者曰三府君五世而生本贈太師追封魯國

公本生登至和二年進士知湘陰縣贈太師追封魏國

公登生四子師醜鄉貢進士贈奉議郎師心政和八年

進士累遷給事中兼侍讀權吏部尚書除顯謨閣直學

士知紹興府充兩浙東路安撫使爵東陽郡開國侯贈

特進謚莊敏師古亦鄉貢進士師德宣義郎贈太師追

封楚國公。莊敏次子。澆。知桂陽軍。贈正奉大夫。是為先
生之曾祖。而楚國長子。淮。紹興十五年進士。淳熙中。致
位左丞相。封魯國公。贈太師。謚文定。則先生曾叔祖也。
祖諱槐。由大理寺丞。知汀州。終朝請大夫。父諱忱。將仕
郎。兼南康北院先生。幼穎悟。資稟溫厚。雅不樂華靡事。
惟篤志向學。不少懈。初先生從高叔祖真煥。章。罔。兩浙
西路提點刑獄師愈。嘗從鄉先生徽猷。罔。特制潘公良
賁。及龜山先生楊公時。中書舍人呂公居仁。游其子為
主管建昌仙都觀。瀚。受業東萊呂成公之門。其孫為魯
齋先生文憲公栢。傳道于鄉。先生北山何文定公基。何

公得于勉齋黃文肅公幹。黃公即考亭朱子門人也。先
生于文憲為諸孫。又在弟子列。未嘗輒去左右。而丞相
之孫直敷。文罔。福建轉運副使敬巖先生似。其季得于
橋堂劉公炎。雙峰饒氏魯。皆本于朱子。復與文憲公諸
父子姓一門。自為師友。先生于敷文為從子。故又得以
朝夕承教。而無間。討論經義。講說理趣。微辭奧旨。聞見
日深。其家季之淵源。與他人號稱師弟子者。不侔矣。先
生之季。既粹然一出於正。而固未嘗標榜以立異。矜持
以為高。同時若葉公罔者。丞相衡之孫。何公欽者。文定
之子。皆與先生以風流文雅相尚。為忘年交。先生素無仕

進志或勉之曰世祿不可墜也乃赴銓試中其首選補
修職郎監建康酒稅院未及上而運去物改因不復出
棲遲先廬遂為終焉計矣久之遺民故老日就淪謝先
生與剡源戴公表元永康胡公長孺浦陽方公鳳粵人
謝公翺皆以節操相激厲時唱和于殘山剩水風月寂
寥之鄉黍離麥秀之音往往而見讀之令人有慨然之
思焉于是浙東宣慰按察二司並治于婺握師符持憲
節而來者與其僚佐悉碩夫鉅人若恒山周公鑑隴西
李公思衍洛陽陳公元孔河東臧公夢解曹南完顏公
貞漁陽鮮于公樞郡守倅若高平孟公淳錢唐夏公若

水薊丘李公衍無不略勢分內交于先生造先生之廬
無虛日或咨扣義理或商確辭翰或講求典故之沿革
或訪問政務之得失先生歷歷與之言莫不厭服以謂
前代文獻之遺惟先生足徵而已先生丰采明朗儀槩
淹習而冠帶偉然望而知其為喬木故家之君子也婺
為呂成公過化之地後人因立祠事宣憲二司欲招徠
學者講肄祠下圖屈致先生為之師而先生不欲以師
道自任則薦仁山金先生履祥且以書勉之出仁山文
憲門人也時方高臥蘭江因先生言不得已為起文憲
之道繇以大明故凡季者猶以事仁山者事先生焉先

生生于宋淳祐丁未十二月十七日卒于今泰定元年
四月二十一日享年七十有八 王禕撰墓表

宋季忠義錄卷十二終

宋季忠義錄卷十二終

四明萬斯同輯 男

張樞

四明萬斯同輯 柔史

樞幼聰慧外家潘氏

蓋書委高者相言耳

輒不忘既長肆筆成

章頃刻數千言有向以古今沿革政治得失宇宙之分
合禮樂之廢興以至號官名歲月先後歷如指諸
掌其為文務推明經史以扶翼教道尤長于叙事嘗取
三國時事撰漢本紀列傳附以魏吳載記為續後漢書
七十三卷臨川危素稱其立義精密可備勸講朝廷取
其書寘宣文閣浙東部使者交荐之前後章凡九上至
正三年命儒臣纂修遼金宋三史右丞相脫脫以監修

生生于宋淳祐丁未十二月十七日卒于今泰定元年
四月二十一日享年七十有八
王禕撰墓表

宋季忠義錄卷十二終

宋季忠義錄卷十三

張樞

四明萬斯同輯
宋史

張樞字子長金華人亦屢徵不起樞幼聰慧外家潘氏
蓄書數萬卷樞盡取而讀之過目輒不忘既長肆筆成
章頃刻數千言有問以古今沿革政治得失宇宙之分
合禮樂之廢興以至三號官名歲月先後歷如指諸
掌其為文務推明經史以扶翼教道尤長于叙事嘗取
三國時事撰漢本紀列傳附以魏吳載記為續後漢書
七十三卷臨川危素稱其立義精密可備勸講朝廷取
其書寘宣文閣浙東部使者交荐之前後章凡九上至
正三年命儒臣纂修遠金宋三史右丞相脫以監修

國史領都總裁辟樞本府長史力辭不拜七年申命史
臣纂修本朝后妃功臣傳復以翰林修撰儒林郎同知
制誥兼國史院編修官台樞俾與討論復避不就使者
強之行至杭州固辭而歸嘗著春秋三傳歸一義三十
卷刊定三國志六十五卷林下竊議曲江張公年譜各
一卷敬帝編若干卷至正八年卒年五十有七既史

史伯璿

溫州府志

史伯璿字文璣平陽人自幼嗜學強記博通經史及諸
子百家之說精究四書深得朱氏之旨時諸說與朱子
將馳者多乃著四書管窺以辯明之又著管窺外編論
諸經史天文地理古今制度名物奈者傳誦焉人勸之
仕則曰讀書本以善身為仕而奈豈吾志也遂隱居終
身溫州府志

凡陳君子東陽陳公先生鹿皮子墓誌銘 宋濂

陳樵陳樵文子宋濂法其墓曰發之東陽有隱君子戴華陽巾裁鹿皮為衣種桑銀谷

洞中當春陽正殷。既落紅於飛花亭上。亭下有流泉。花

飛隊泉中。與其相迴旋。良久而去。君子樂之日往觀。弗

厭。既而入太霞洞著書。其書縱橫辨博。孟軻氏而下皆

未免於議論。元統間。濂嘗候君子洞中。君子步履出。速

坐之海紅花底。戒侍史沽酒漿。藟醢。親執觥。獻鼎歌。古

詞以為驩。酒已。君子慨然曰。秦漢而下。說經而善者不

傳。者多不得其宗。淳熙以來。羣儒之說。尤與洙泗伊

洛不類。余悉屏去。傳注獨取遺經。精思至四十春秋。一

且神會心融灼見聖賢之大旨譬猶明月之珠失之二
千年上自王公下至氓隸無不悵日索之終不可致
牧監乃獲於大澤之濱豈可以人賤而并味弗貴乎吾
今持此以解六經決然自謂當斷來說於吾後云濼乃
避席而向曰其意云何君子曰吾以九疇為六府三事
而圖書為易象者不可誣以片言統萬論而天下古今
無疑義以庸言釋經子而野人君子無異辭謂神所知
之謂智知天下殊分之謂禮知分之宜之謂義知天地
萬物一体之謂仁禮復則和之謂樂謂天地萬物一作
經子之會要一視萬物則萬殊之分正家齊國治而天

下平矣濼未達請復向其詳君子曰國家一積也積一
爾而穰十焉積有穰而一視之其於人則仁也發而視
之穰有十則等_禮有十其於人則君臣父子長幼之等夷
刑賞予奪之殊分所謂禮也視十為十者禮之異視十
為一者仁之同分愈異則志愈同禮愈嚴則仁愈篤者
先王之道也分愈異者志愈同故合_乙積之穰反求其故
地枚奉而銓次焉者差之黍銖則人_乙無別犬牙錯而
不齊飲之不合而一不可一見禮愈嚴者仁愈篤故治
國家天下者不以禮則彞倫斁禮樂廢而仁亡是故洙
泗伊洛朝夕之所陳者天下萬殊之分視聽言行之宜

所操者、禮之柄耳。故李聖人者、必始於禮焉。故一侷萬
殊者、孔子之一貫、於洙泗伊洛之言同無不統者也。理一
分殊之義廢、則操其枝葉而舍其本根、洙泗伊洛之會
要不可見。章句析而附會與遺經不可識矣。灑受其說
以歸、聞膏質之明經者、或者曰：近時李經者、如三尺之
童、觀優於臺下、但聞臺上語、笑聲而弗獲見其形、所以
不知妍媸、唯人言是信。君子之論偉矣、或者曰：伊洛之
李、大明於淳熙、未易適取舍之也。自時厥後、為貧游仕
奔走於四方、不及再候君子以畢其說、聞君子益以斯
道為已任、汲汲焉、惟恐不傳。靡晝靡夜、操觚著所見於

書、成、即刻梓示人。灑遺書於灑曰：予瀕死、吾道若無
所授、子聰明絕倫、何不一來片言可盡也。憂患相仍、亦
未及往、而天下日趨於亂。君子之室廬、亦燬于兵。寓子
婿王為家、留六年之久。遘微疾、默坐於一室、不食飲者
踰月。縣令遣醫來視疾。君子麾去、曰：吾年八十又八、其
死宜矣。何藥之為。未幾、備然而逝。實至正乙巳十月戊
申也。君子姓陳氏、諱樵、其字為君采。人因其衣鹿皮、故
又號為鹿皮子。表隱趣也。其先居睦之富春、采之中葉
來徙東陽太平里。世為衣冠巨族。祖居仁、祖嘉、登仕
郎。父取青、國李進士。從鄉先生石公一鰲、與聞考亭之

李有志節嘗抗章詆權臣賈似道誤國及宋亡元丞相
伯顏見其章欲用之辭君子幼李於家庭繼受易書詩
春秋大義於李公直方其於天下之書無不讀無不
解李成而隱邈然不與世接唯寤寐群經思一洗支離
穿鑿之陋形于談辨見於文辭恒懇々為人道之文辭
狀物寫情尤精然亦自出機軸不蹈襲古今遺轍讀之
者以其新逸超麗喻為挺立孤松群葩俯仰下風而莫
之敢抗或就之李則斥曰後世之辭章乃士之脂澤時
之清玩耳舍六經弗講而事浮辭綺語何哉少作古賦
十餘篇傳至成均生徒競相謄寫謂絕似魏晉人所撰

君子則諱之不復肯為也君子足跡未嘗出里門而名
聞遠達朝著知名之士若虞文靖公集黃文獻公潛歐
陽文公玄皆慕之以為不可及後書諮訪如恐失之性
澁至孝父患風疾君子扶之以行歲久益勤後為風痰
所侵氣弱不能吐君子截竹為筒時吸而出之母郭夫
人歿君子不見々其遺衣輒奉之鳴々而泣生平未嘗
言利苟非其義千駟萬鍾弗為動家雖素饒於貧痛懲
膏粱之習惡衣菲食以終其身遇歲儉輒竭粟賑里閭
自取來年以續其食嘗發所藏錫為器工人持歸乃白
金也或以告君子君子一笑而已嗚呼君子已矣世豈

復有斯人哉。君子所著書曰易象數新說曰洪範傳曰
經解經曰四書本旨曰孝經新說曰太極圖解曰通書
解曰聖賢大意曰性理大明曰荅客問曰石室新語曰
淳熙律繆曰鹿皮子曰飛花觀小葉合數百卷。君子正
配朱氏先若干年卒。生延年大年者年喬年昌年大年
至正庚寅中鄉闈榜第一。署徽州歙縣教諭。側室某
氏生逢年。君子沒時諸子唯喬年在。餘皆先卒。女三人
其僭即王為。次則俞某張紹先孫男九人。庭玉庭珪庭
筠庭鶴庭鳳庭堅庭誨庭某庭某女四人。適徐信俞本
虞某曾孫五人。紹宗超宗林宗某宗某宗女三人。

幼喬年庭堅等。洎王為以是年十一月某甲子奉柩葬
於縣西南四十里懷德鄉斗潭山之原。縣長貳及李士
大夫門弟子咸會。莫不洒泣。葬後五年其高弟之子楊
君芾乃為撰列行狀一通。而喬年同王為持云。金華宋
灑再拜請為銘。嗚呼。君子以超絕之資。曠視千古。若一
旦暮期。以孔子為師。而折衷羣言之是非。不徇偏曲。不
尚詭隨。必欲暢其已說。而後已。可謂特立獨行。而無畏
懾者也。非人豪其能之乎。雖然。淳熙二三大儒。其志將
以明道也。初亦何心於固必。使君子生於其時。與之止
下其論。未必無起予之歎。而君子之衆說。亦或藉其損

至矣 宋源傳及 伊洛發遺精 宋源撰原卷德

益以就厥中。則所造詣者愈光輝混融而卓冠於後先。矣。天之生材。相違而不相值。每如此。竟何如哉。然君子措慮之深。望道之切。其所傳者。確然自成一家言。殆無疑者。世之人弗察。伐異党同。嘗指君子為過高。是豈窺見其衡氣機者哉。濼也不敏。竊有慕洙泗伊洛之季。有志弗強。日就卑近。不足以測君子所至之淺深。而君子則欲進而教之。今因請銘。故備著昔日向荅之辭於其首。俊之傳儒林者。尚有所稽焉。其稱為君子者。君子蓋德之通稱。可謂至矣。銘曰。宋源撰原卷德。洙泗傳聖髓兮。伊洛發遺精。天人既混兮。陰陽悉苞并。

無聞不用南兮。金石奏和平。自茲益演繹兮。白日中天行。如彼藝黍稷兮。藟藟去莠與。艱春實成。白粢兮。詔使來者。嘗有夫起東海兮。吐言如一鏞。噌吰達幽隱兮。務使聲遠揚。豈欲異塗轍兮。理致無終窮。著書動盈車兮。片言類括囊。中有萬寶玉兮。包絡無遺匹。解之溢衆目兮。攘異吁可驚。似茲海外珍兮。神光燁如虹。苟施琢刻工兮。定可猷明廷。下可奉公侯兮。上可奠方明。胡為墮空山兮。枯槁埋光晶。鹿皮剪為裘兮。我冠賸垂纓。臨流翫飛花兮。心與烟霞冥。清風與逸氣兮。橫絕宇宙中。食道身自腴兮。疇計祿位豐。婆娑太霞洞兮。卒以上壽終。斗

益以就厥中。則所造詣者愈光輝混融。而卓冠於後先矣。天之生材。相違而不相值。每如此。竟何如哉。然君子措慮之深。望道之切。其所傳者。確然自成一家言。殆無疑者。世之人弗察。伐異党同。嘗指君子為過高。是豈窺見其衡氣機者哉。濼也不敏。竊有慕洙泗伊洛之季。有志弗強。日就卑近。不足以測君子所至之淺深。而君子則欲進而教之。今因請銘。故備著昔日向荅之辭於其首。後之傳儒林者。尚有所稽焉。其稱為君子者。君子蓋有德之通稱。尊之可謂至矣。銘曰。宋濂授廣善志。洙泗傳聖髓。伊洛發遺精。天人既混。陰陽悉苞。并

無聞。不用。南兮。金石奏和平。自茲益演。緡兮。白日中天。行如彼。藝黍稷兮。蕪去莠。與狼吞。實成白粢兮。詔使來者。嘗有夫起東海兮。吐言如一鏞。噌吰達幽隱兮。務使聲遠揚。豈欲異塗轍兮。理致無終窮。著書動盈車兮。片言類括囊。中有萬寶玉兮。包絡無遺匹。解之溢衆目兮。攘異吁可驚。似茲海外珍兮。神光燁如虹。苟施琢刻工兮。定可獻明廷。下可奉公侯兮。上可奠方明。胡為墮空山兮。枯槁埋光晶。鹿皮剪為裘兮。我冠曠垂纓。臨流翫飛花兮。心與烟霞冥。清風與逸氣兮。橫絕宇宙中。食道身自腴兮。疇計祿位豐。婆娑太霞洞兮。卒以上壽終。斗

潭向東流兮。內有八尺塋。鬼神必訶護兮。靈氣結華英。
永為文字祥兮。千禱垂休聲。

方逢辰

嚴州府志

方逢辰字君錫。淳安人居蛟峰。因以為號。初名夢魁。淳祐十年舉進士第一。理宗御筆改今名。故字曰君錫。累官兵部侍郎。國史修撰。兼侍讀。除吏部尚書。俱不拜。先是丞相鄭清之賈似道擅權。逢辰叩閣言時事。辭旨激烈。因忤二人意。乃稱疾以歸。元世祖詔御史中丞崔彥起之。辭不赴。卒于家。逢辰天稟卓絕。人物魁岸。聲如洪鍾。自幼刻苦。同李夜誦徹旦。無書不讀。而會極於周程朱子之學。以格物為窮理之本。篤行為修己之要。自居幕職。至秉旄節。所至以教化為先。務暇日輒從容岸

序間授李者以求端用力之方東陽士開義塾以迎之
從遊者數百人尋創家塾授其徒後以從官入侍經幃
度宗問其講授之所御書石峽書院四字為扁仍賜手
詔曰近進士一科文章盛而古意衰鄉以儒碩創家塾
以程朱之李淑其徒朕甚嘉之其眷遇如此

方逢辰傳云著考任解易外傳尚書傳中庸大學注釋凡若干卷刊於家塾

蘇州府志下同
壽編按宋史翼

方逢振

方逢振字君玉逢辰弟也登景定三年進士第歷
國史寶錄院檢閱文字迂大府寺簿宋亡退隱于家元
世祖詔侍御史程文海起為淮西北道按察僉事辭不
赴聚徒講李于石峽書院以終李者稱為山房先生配

祀蛟峰

嚴州府志

何夢桂

何夢桂字巖叟淳安人幼穎悟從鄉先生夏訥齋遊咸
淳元年廷試第三授台州軍判官改太學錄迂博士淳
倅吉州時廂軍不受令鼓譟而起夢桂與疾往諭遂帖
然除太常博士轉監察御史抗疏言迂守之計未上而
省符下迂軍器監以歸尋轉大府鄉時事已不可為矣
元初御史程文海荐之朝授江西儒李提本以疾辭不
赴築室小有源不復與世接著書自娛有易衍大學說
中庸致用等書而於易尤精解釋圖象發揮奧妙有先

儒所未言者、李者因其自號為潛齋先生、祠之於石峽
書院 嚴州府志

魏新之 袁易 袁易

魏新之、桐廬人、受業于青溪方蛟峰、得程朱性理之、
登咸淳七年進士第、除慶元府教授、宋亡、歸隱鄉里、李
者、稱為石川先生、與同邑孫潼、發表易為友、易咸淳十
年、特奏第一名、釋褐、為李正德、祐失國、亦浩然而歸、以
其所得、教授於鄉、嚴州府志

鄭時中

鄭時中、字玄璋、壽昌人、少聰俊、博、李善屬文、明五經、

通子史、以漕試得本、見宋鼎將移、嘆曰、吾其左袵矣、浩
然有遯世志、遂居家不仕、研精覃思、作春秋指迷詞旨
高遠、開諭後學、疊、不倦、以經籍自娛、絕口不談仕進
人或向之、答曰、人生富貴利達、皆身外物、吾有先人薄
田、敝廬、足供飡粥、蔽風雨、讀書誦詩、足陶性情、以樂吾
生、豈不快哉、授二子各一經、皆有成立、嘗語之曰、吾友
印西坡詩云、取相封侯兒輩事、老夫只占月三間、功名
之事、汝自為之、非吾願也、嚴州府志日休分水人、右司諫縉之子
也、登紹興五年進士第、授朝請郎、嘗著九丘總要三百
四十卷、以進、光宗嘉之、進官一秩、迂朝奉大夫、弟日勤

亦登進士第授左朝散郎

何逢原

何逢原字文瀾分水人咸淳間累官中書舍人嘗因輪對陳時政十事言甚剴切已而知時事不可為遂引疾去元至元中御史程文海荐之朝授福建儒學提舉辭不赴卒於家原尋究經史旁通陰陽星曆醫藥之書至於佛老之說亦必辨其所以皆於吾儒者所著有易詩書通旨四書解說玉華集十卷感遇詩一卷

夏希賢

夏希賢淳安人究明性理洞詣本原而會其極於象山

慈湖之要社門不出者三十餘年家雖貧甚泰然自如有孝者稱之曰自然先生子清之大之潛之皆承家學

孫潼發

孫潼發字君文桐廬人少力孝工文詞登淳熙四年進士第調衢州軍事判官有廉能聲秩滿擢御前軍器所幹辦公事未幾國亡家亦毀乃辟地萬山中草栖露宿若與世隔久之乃歸稍復故業為終焉之計與邑人袁易魏新之為三友以古人風節自期待御史程文海求遺逸以潼發應詔堅辭不起卒于家金華黃文獻公潛銘其墓

嚴州府志

嚴州府志

汪斗建

汪斗建淳安人大理鄉自強族子宋末遺老也嘗為李官隱居不仕其詩大有聲律號雲留小稿而黍離故國之思往往見於言外至於錢唐懷古一章與唐人吊古諸作實相伯仲其詩云江上城低烟樹紅江湖西去幾時東吳王花草隨春暮禹會樓臺入夢空萬里孤雲留夕照千年遺恨訴秋風鳳凰飛去無消息漢漢遙岑烟雨中見还淳嘯咏集嚴州府志

徐夢魁

徐夢魁字梧叔領貢籍適宋運既亡欲圖恢復潛集子

弟兵三百餘人與開化魏亨同應陳宜中至信州兵復潰又聞丞相文天祥被執北去痛哭撫膺其謀遂寢歸築室璉塢山中大書宋林二字于石元初屢薦不就年七十餘臨終謂子姓曰吾宋臣也題墓宋林處士且矣汝曹幸無食元祿言訖而歿萬曆三年知縣吳撫讓表其墓嚴州府志

姚仁壽

姚仁壽字靜山桐廬人以恩免進士充饒州路節制都監兵馬德祐初私募義勇守閩要元人夜犯閩仁壽親冒矢石敵敗走及宋亡歸隱藍田山中元初詔求遺逸

州郡以仁壽應堅辭不起年七十八卒于家曾稽楊維
楨表其墓嚴州府志

邵桂子

邵桂子字德芬淳安人號玄同生安仁簿吳攀龍子也
鞠於所養因從其姓以博季宏詞登進士第教授處州
棄官而歸鑿池構屋扁曰雪舟所著有雪舟勝談稿等
書又作忍默怒退四卦以自警晚歲暮天隨子之風家
於松江之修竹鄉歿乃還墓平生自喜為詩而意象冲
融足淹高聽裁謝風塵之表脫超凡徑之外所謂卧深
巖壑思遠滄洲瀟灑風流固宜稱也其次方虛谷遷居

一詩最為雅澹為首丘之思靡不寓焉其詩云家住千
峰落照邊移家三泖白鷗前東隣舊日秦侯隱西洛新
巢衛叟還當日釣游頻入夢何時婚嫁送歸田會須共
跨青溪鶴點易寒窓伴老仙其雅致高尚如此嚴州府志

汪斗建重出

汪斗建淳安人嘗為學官隱居不仕其詩大有聲律號
雲留小稿而黍離故國之思徃々見於言外至於錢唐
懷石一章與唐人吊古諸作實相伯仲其言云江上城
低烟樹紅江潮西去幾時東吳王花草隨春暮高會樓
臺入夢空萬里孤雲留夕照千年遺恨訴秋風鳳凰飛

去無消息漠漠遙岑烟雨中見還淳嘯咏集

何景福

何景福字介夫淳安人為入學博行脩以所遇非其時
累辟不赴惟詩酒自娛以終其身所著有鐵牛翁詩集
一卷行于世徽州府志

王磁

王磁號介翁括蒼人官縣尉帝昺播遷棄印綬歸隱湖山
扁所居為月洞有月洞吟詩

錢選

錢選字舜奉吳興人以畫人物花草著聞當宋亡時吳興

有八駿之號舜奉與馬與趙子昂最善至元中子昂入相
六人依附得官舜奉獨齟齬不合流連詩畫以老

于石

于石字介翁號紫巖金華人為詩俊逸常帶凄婉因宋社
既屋柳鬱有故國之思

林千之

林千之字能一平陽人知信州博洽好古為江萬里諸人
所知元初徜徉里居以翰墨自娛有雲根痴菴集

林石田

林石田浙江永嘉縣人汪水雲集有和林石田杭州雜詠

詩

史蒙卿

史蒙卿，鄞人，直華文閣，補鞏子。咸淳元年，第進士，仕州縣。入元，不仕。其感事詩云：宮花攢曉日，仙雀下雲端。總是傷心事，那能着眼看。風沙兩宮恨，烟草八陵寒。一掬孤臣淚，秋霖對不乾。其亡國之恨，不減黍離麥秀。讀者傷之，先是南宋時，四明李者多宗金谿陸氏，惟蒙卿與黃東發獨宗考亭。後程端禮、李兄弟並師蒙卿，盡傳其學。由是朱李盛行于四明。

皇甫明子

皇甫明子，字東生，慶元府人。性豪宕，乘小舟，挂布帆，載琴樽、書籍、釣具，往來江湖。至元丙子，發狂痛哭，蹈海。

鮑輓

鮑輓，字以行，處州人。嗜酒，授簡萬言，教授得錢，悉送酒家。遇客盡飲乃去。晚益傲誕，衲衣髻結，遊青城上，不返。

陳天瑞

吾州府志下同

陳天瑞字德修號南村臨海人公輔之後也登咸淳元年進士與周敬孫楊珏楊鈞俱師事王魯齋明性理之學志潔行廉為金華令有能名宋末隱適林壑詩文極高古效淵明有甲子文集五十卷世稱古堂先生

台州府志下同

楊珏

楊珏字君寶號簡齋臨海人咸淳進士調溧陽令轉棧督官入元不仕子圭字景義克世其學

台州府志下同

周潤祖

周潤祖字老德臨海人大父彥齋嘗師事晦庵高弟黃

弟

直卿潤祖承其家學後師事^待周仁榮而與泰不華為友故德性溫邃為文端莊中法度隱居教授四十餘年子弟^與行鄉有不善者以誠諭^部之終其身不敢肆吏胥催科過境上耻為暴戾當道行^部必向其廬而禮焉省臺交剝不起會朝廷使者徑略江南薦擬國子助教既沒而命下鄉人稱為紫岩先生立祠祀之^所著紫岩藁十餘卷

台州府志

杜文甫

杜文甫號南峰山民臨海人師事王珉登咸淳辛未進士歷瑞安軍事推官德祐初除國子博士迄元代宋翰林

李士趙與黑薦于朝守令為勸駕文甫自謂宋臣辭以疾御史程文海奉旨召終不起

台州府志

黃超然黃宏

黃超然字立道號壽雲黃岩人幼有高志聰明博達讀書不向晨夜研精探奧絕出流輩每鷄鳴盥櫛就書齋戒子弟不得通賓客及閑白家事必待午餉^後乃許行之率以為常往來王魯齋先生門得性理之傳而尤深于易^易推本伏羲先天圖翼以邵子皇極經世著周易通義二十卷釋蒙五卷詩話筆談及會要曆各十卷燕坐凝然雖悍猾輩見輒歛退聞其風者咸起慕焉兩與鄉

貢及元代朱遂不仕。衣粗啖糲。一不介意。艾年以後絕書。不觀築西清道院以居。自為之記。卒年六十有二。元賜諡康敏。從祀鄉賢祠。從子宏。字子約。號已齋。博極羣書。尤長于詞賦。有以史才薦者。不就。落魄江湖。幾三十年。文章流播天下。有敕城藁。台州府志

牟及

牟及。字功一。號樂在野人。黃岩人。咸淳戊辰進士。授福州司戶叅軍。多惠政。宋社既屋。屏跡山林。服喪麻終身。每賦詩以見志。二弟雷鏞及子厚俱死于族。人大昌之難。賦詩曰。何日蒼令還。並繫舊時豚。犬已成空。宋臣仕元

者。或招之出。詩曰。困雨葵心終向日。隨風柳絮慢漫天。論者謂其有淵明風致。所著有樂在藁。族子似旦。領咸淳丁卯鄉薦。不仕。台州府志

趙孟佃

趙孟佃。宋宗室。居黃岩。文天祥見之曰。瑚璉器也。後天祥開闢江東浙西。俱辟以行。及召赴闕。孟佃留吳中。僅五十日。宋亡。元兵執孟佃。欲官之。固辭以疾。遂去。吳依親友以居。絕口不談宋事。遊情釋老。號三教遺逸。天祥卒。為文祭之。慟絕。復蘇。臨終。口占曰。王室之裔。文山之客。千古忠赤。拱手而逝。所著有湖山汗漫集。台州府志

陳壽

陳壽字應嵩寧海人太孛生宋亡自謂逸民不仕時黃文憲公輩屢薦于元皆不就卒後以子貴贈修撰其子以非父志辭謝後謚文貞處士所著有家礼準南山集

台州府志
友鹿翁

友鹿翁寧海人不知其姓名或謂先祖父仕宋為侍從顯官宋亡隱姓名屏跡東北者山下不安交遊日與麋麋相狎戲故自號為友鹿人亦稱之為友鹿翁方遜志為立傳

台州府志
張舜功

張舜功太傅卍傑之子也自太傅沒于崖山奉母葉氏避迹海濱徙居天台義不出仕居恒未嘗北面坐語及起兵勤王事輒髮監皆裂恨不同父徇國難母卒葬百家園廬于墓側衰墨終其身

台州府志
曹文炳文晦文晦

曹文炳字君煥天台人號霞間老人篤孝沉潛不事表暴邑令佟薦為儒孛訓導不就者有霞間稿弟文晦字伯輝穎悟多識而雅尚瀟洒以吟咏陶情邑人鄞尹許廣大以其縣之儒孛教諭薦遣使致聘不赴築室號新山道人有詩集重梓夏赤城為之序

台州府志

夏圭孫

夏圭孫字季可天台人研窮經史非其力不食元季屢
辭徵辟以壽終有詩集藏于家台州府志

朱雪

朱雪字元白天台人幼能屬文六經于史靡不通貫往
處州何執受尚書年十九登座開講徐伯顏薦授國子
助教固辭不赴閉戶讀書著有雲集三十卷人號清修
先生且性至孝執母喪甚哀嘗侍父往東庄父指石尖
足後過其處必長號人因名曰孝思岩台州府志

湯緒

湯緒號樵石臨海人省試第一博學能詩至元不仕有

樵石藁

台州府志

金遵古

金遵古字德鄉臨海人大府寺丞起炎之子端重好李
宋時試中胄闈鬪然居五峯山下無復仕進意因自號
青峯山翁與陳樵同為忘年交雖踰大耄而耳目聰明
為時尊禮台州府志

余容光

余容光臨海人志尚超卓三徵不起卒贈紫芝處士達

兼善陳剛中俱為之贊

自州府志

陳潤 陳樞 陳樞

陳潤字澤民號勉齋臨海人至元間以德行聞於時集賢院錫錫褒高明處士善吟咏其臥病述懷三章為時傳誦子樞字師聖號納齋通經史教行孝悌教諸子以義方同門士多登顯要勸之仕終不應至正庚寅方氏兵起達叅政兼善受命治師聘樞居賓客咨畫多所裨益達既死於難樞頓天慟爰曰吾安得從公地下乎竟憤懣以歿士大夫高其義樞之子焯亦能奉不仕創館授徒尤工於詩

潘希宗

潘希宗字景昭一名燧黃岩人從蔡春山車玉峯遊宋景定二年領漕薦文丞相器重之有往來書劄宋亡隱居不仕號栢峯居士有文集 自州府志

林起潛 林起潛 林起潛 林起濱

林起潛字用夫黃岩人弟起濱字顯夫少時同遊達觀王先生之門已而相與曰人各有貴於己者與其雕篆以干人爵孰若釋靡踐實求聖賢之所為奉者以適吾志哉遂辭歸築室同居以經籍相切劘視進退泊如也篤于行誼鄉人高之稱東臯西野二先生云見圖復史

孝祥所撰墓志 日州府志

蔡希點

蔡希點字子與號春山太平人錫從孫博學善詩隱居授教從遊者以百數多擢高第躋臚仕希點安貧樂道以終其身所著有春山雜稿 日州府志

丘應辰

丘應辰字詠聖太平人博極羣書元貞間奉青田教諭不就作正異端復升田諸論有憂之集藏於家從祀太平鄉賢祠 日州府志

劉莊孫

劉莊孫字正仲寧海人方遜志稱其理本淵源得聖賢大要文章朴實而氣味悠長宋亡自謂遺民 日州府志

葉得象

葉得象寧海人克之祖也登紹定鄉榜宋亡隱居教授徵辟屢至竟不就 日州府志

鄭與叔

鄭與叔字希點寧海人仕至從政郎宋亡教授終身 日州府志

方岳

方岳字元善號菊田寧海人經明行修隱居不仕以詩名 日州府志

許嗣

許嗣字繼可，別號得靜山人。天台人，純懿靜重，不妄言笑。生元季，義高不仕，善吟咏，著得靜集。括蒼劉伯溫批點黃公潛謂其文清高而不失於枯，平實而不近於俚。家訓詩有閔世教元明諸名公，皆有題跋。台州府志

翁森

翁森字秀卿，號一瓢仙。居人書無不窺，人叩之，奔傳疏不遺一言，或歷代史上下四三千年，灑灑如貫珠，愈呼曰翁書厨。宋亡，隱居教授，從游累八百餘人，有一瓢藁行于世。台州府志

陳宗儒

陳宗儒字弘道，號樵。同臨海人。獻肅公從子，平生尚節。聚伯父檢院公與以田力，辭不受。吳丞相堅延為上客。弘道每說之曰：道不行，志不遂，尚漫何待？吳不省，遂拂袖南歸。竟與之絕。至元間，隱居不仕。所著有經傳雜誌。台州府志

吳焱

吳焱字用悔，寧海人。咸淳進士，授迪功郎。池州東流尉。丁外艱，哀毀甚，服闋監紹興支鹽倉，棄歸。沖泊自守，宋亡不仕。元至元間，浙東造征日本舟材，鐵百需，賦重民急，焱不忍其號呼，鬻田代輸。家以破耗，意猶不怠。卒。趙

于昂為題其墓 州府志

許德著

許德著字茂明天台人寶祐丙辰進士賈似道當國偕同榜趙宗普入謁首以公田厲民為言似道不聽反欲導以從已著曰吾祖疏劾汪黃二奸吾肯以阿媚以取容耶遂不待授官而歸隱居終身作幽忠錄表志此與丁衛事類而赤城志不載寶祐進士亦有崇普而無德著以其事當書併載之 州府志

宋季忠義錄卷十三終

宋季忠義錄卷十四

州萬斯同輯

男

揭歷福州教授國子正與友人林景熙潛捨宋陵遺骸瘞越州歸隱薊山瀑下著有西書要旨二十卷禮記正義一卷續古雜著三卷厚倫書一卷景熙銘之曰予與君生同里奉同師又同出處君沉毅直方自許致君澤民志不獲遂猶以語言文字扶植綱常精衛填海馮霄土重可悲也按拾骸事史載唐王者誤 溫州府志

王英孫

紹興府志

王英孫字才翁會稽人歷官將作監簿宋亡謝朝鄭樸

于昂為題其墓

許德著

許德著字茂明天台人寶祐丙辰進士賈似道當國偕同榜趙宗晉入謁首以公田厲民為言似道不聽反欲導以從已著曰吾祖疏劾汪黃二奸吾肯以阿媚以取容耶遂不待授官而歸隱居終身作出忠錄表志此與丁衛事類而赤城志不載寶祐進士亦有崇普而無德者以其事當書併載之

州府志

宋季忠義錄卷十三終

宋季忠義錄卷十四

鄭樸翁

四明萬斯同輯

溫州府志

樸翁字宗仁平陽人弱冠入太學咸淳末賜上舍釋褐歷福州教授國子正與友人林景熙潛捨宋陵遺骸瘞越州歸隱鄰山瀑下著有西書要旨二十卷禮記正義一卷續古雜著三卷厚倫書一卷景熙銘之曰予與君生同里季同師又同出處君沉毅直方自許致君澤民志不獲遂猶以語言文字扶植綱常精衛填海馮霄土重可悲也按拾骸事史載唐王者誤

溫州府志

王英孫

紹興府志

王英孫字才翁會稽人歷官將作監簿宋亡謝朝鄭樸

翁林景熙唐珣皆集其家楊璉真珈發宋陵寢收骨之事英孫王之肝者有修竹集以此府志

張孟堅改冬青樹引云

張孟堅

予既註皋羽西臺慟哭記又以此詩讀者未易通其詞旨故為之疏以便參考而自質為適文獻黃先生之詞人傳藻氏以書來謂聞之文獻者曰楊總統利璣宮金玉時越中王修竹出金帛與眾思少謂曰爾輩皆宋人也吾不忍陵寢之暴露已造石函六刻紀年一字為號自思陵以下欲隨號收殮爾眾皆諾遂共往收貯遺骨葬之上種冬青樹為識此歌詩之肝為作也其說如此

予以舊註頗有異同未即以舊聞非是姑錄一通寄傳且書來言于此以同該洽者庶幾或可再正也丙午正月十日張丁識

善錦按晞髮集引有藍漁人市注冬青樹引見前

趙孟堅

遺民廣錄

趙孟堅字子固別號曼齋浙江海鹽縣人宋宗室善書工詩文又能作墨花於水仙梅竹尤長兼善人物登寶慶二年進士景定初遷翰林學士承旨拜榮祿大夫孟頫其從弟二人書畫擅名一時宋亡孟頫以荐入相孟堅恥之隱居廣陳鎮不仕慕米元章書畫船製一舟東西薄游北挾所有自隨舟中滿載琴書尊杓畢具僅留偃息地隨意左

翁林景熙唐珏皆集其家楊璉真珈發宋陵寢收骨之事英孫主之所著有修竹集以此府志

青樹引跋

張孟英

予既註皋羽西臺慟哭記又以此詩讀者未易通其詞旨故為之疏以便參考而自質為適文獻黃先生之詞人傳藻氏以書來謂聞之文獻者曰楊總統利璣宮金玉時越中王修竹出金帛與眾惡少謂曰爾輩皆宋人也吾不忍陵寢之暴露已造石函六刻紀年一字為號自思陵以下欲隨號收殮爾眾皆諾遂共往收貯遺骨葬之上種冬青樹為識此歌詩之所為作也其說如此

予以舊註頗有異同未即以舊聞非是姑錄一通寄傳且書來言于此以同該洽者庶幾或可再正也丙午正月十日張丁識

善錦按晞髮集引有藍漁人布注冬青樹引見前

趙孟堅

遺民廣錄

趙孟堅字子固別號曼齋浙江海鹽縣人宋宗室善書工詩文又能作墨花於水仙梅竹尤長兼善人物登寶慶二年進士景定初遷翰林學士承旨拜榮祿大夫孟頫其從弟二人書畫擅名一時宋亡孟頫以荐入相孟堅恥之隱居廣陳鎮不仕慕米元章書畫船製一舟東西薄游北挾所有自隨舟中滿載琴書尊杓畢具僅留偃息地隨意左

右取之。婆婆吟詠，至忘寢食。往泊蓼汀葦岸，看夕陽。賦曉月為事。所至識與不識，望而知為趙子固。書畫舫。嘗到縣，令宣城梅散造謂之飛棹，避去梅竹立岸上。嘆曰：昔人所謂名可聞而身不可見者歟！孟頫每過訪，輒閉門不納。一日自茗來見，夫人勸之，始令從後門入。坐定，問弁山笠澤近日佳否，答云佳。公曰：弟柰山澤佳何？孟頫慚而退。公便令蒼頭濯其坐具，蓋惡其仕元也。公酷嗜古法書，名畫不惜傾家易之。嘗得白石歲稷，叙五字，不損書，夜歸雲溪舟覆，孟堅手持帖立水中，大叫曰：蘭亭在此矣。因題八字於卷首云：性命可輕，至寶是

保年九十七，臨終賦詩有百年處世欠三秋。事業都歸水。上漚之句，長嘆而卒。遺以廣錄，書帛按宋史翼，推海鹽園，修趙孟堅傳云：知嚴州，及張均平報父讐，獄著有梅譜，書法論傳於世。

記趙子固遺事

周家

趙孟堅字子固，號曼齋。居嘉禾，工詩文，酷嗜法書，多藏三代以來金石名蹟。遇其會目時，傾家易之，不靳也。襟易南宮東西薄游，必挾所有以隨。一舟木，為偃息之地，左右隨之，撫摩諷至。忘寢食，所至識不識，望而知為米家書畫舫也。庚申歲

周密所記 夫行小字注于下

客輦下會，葛藟余偕。一時好事者，邀子固各携所藏，買舟湖山相與評賞。飲醉，子固脫帽以酒晞髮，箕踞歌離。

右取之。婆婆吟詠，至忘寢食。往泊蓼汀葦岸，看夕陽賦。曉月為事，所至識與不識。望而知為趙子固，書畫舫嘗到縣。今宣城梅散造謂之飛棹，避去梅竹立岸上。嘆曰：昔人所謂名可聞而身不可見者歟。孟頫每過訪，輒閉門不納。一日自茗來見，夫人勸之，始令從後門入。坐定，問弁山笠澤近日佳否。荅云佳。公曰：弟柰山澤佳何。孟頫慚而退。公便令蒼頭濯其坐具，蓋惡其仕元也。公酷嗜古法書，名畫不惜傾家易之。嘗得白石巖稜，叙五字，不損書。夜歸雲溪舟覆，孟堅手持帖立水中大叫曰：蘭亭在此矣。因題八字於卷首云：性命可輕，至寶是

保年九十七，臨終賦詩有百年處世欠三秋，事業都歸水。上漚之句，長笑而卒。趙氏庶孫，書錦按宋史，翼後海鹽園，修孟堅傳云：知藏州，及平反，張均平報父讐，獄著有梅謗書法論傳於世。

記趙子固遺事

周家

趙孟堅字子固，號葵齋。居嘉禾，工詩文，酷嗜法書，多藏三代以來金石名蹟。遇其會目時，傾家易之，不靳也。襟度蕭爽，時比之米南宮。東西薄游，必挾所有以自隨。一舟橫陳，僅留一席為偃息之地。左右隨之，撫摩諷至，忘寢食。所至識不識，望而知為米家書畫舫也。庚申歲，客輦下會葛郎，余偕一時好事者，邀子固各携所藏買舟湖山，相與評賞。飲醉，子固脫帽以酒晞髮，箕踞歌離。

騷傍若無人。薄暮入西泠橋，孤山艤擢茂樹間，指林麓最幽處，瞪目絕叫曰：此真洪谷子董北苑得意筆也。異時蕭千岩得白石舊藏五字，不損本褙，序後歸之俞壽翁。子固復從壽翁善價得之，喜甚。乘舟夜泛而歸，至霅之弁山，風作舟覆，幸值支港，行李衣衾皆淪溺無餘。子固方披濕衣，立淺水中，手持褙帖示人曰：蘭亭在此，餘不足介意也。因題八言于首，卷云：性命可輕，至寶是保。其酷嗜雅尚，出于天性如此。

周密記趙子固遺事

溫日觀

杭州府志

溫日觀，瑤寺僧。宋亡出家，豪飲不羈，往往出憤世語。

善畫葡萄，枝蔓皆合草書法。時寫詩文于上人，皆知貴重之。性酷嗜酒，楊總統以名酒啗之，終不濡唇，見輒罵曰：掘墳賊。杭州府志

夕

遺民廣錄

溫日觀者，宋亡出家瑤寺，豪飲不羈，往往出憤世語。善畫葡萄，枝蔓皆合草書法。嘗自題所畫葡萄云：昨夜一番雨，過葡萄長得能大。西天五百羅漢，每人與他一箇性嗜酒，楊璉真伽以名酒啗之，終不濡唇，見輒罵曰：掘墳賊。獨喜過鮮于伯机，索飲醉即抱前茶支離叟，或歌或哭。支離叟者，伯机庭前松樹也。每索湯浴，伯机必

躬進澡豆 遠氏唐錄

褚雪巘

錢塘天慶觀高士褚雪巘名師秀在宋素以清苦節行著聞元宣撫尤平章聞其名欲見之單騎至觀主王管轄叩戶白之褚拒曰某自来不識時貴何為至此平章以手拜于地章款褚延坐其室褚即鎖戶偕行廊廡間至雪堂前語平章曰三年前有閩州王高士嘗留此某非其人也長揖竟出平章顧瞻嗟嘆曰是真一世之高士也

朱清

杭州府志

朱清字元之富陽人自幼力學平居以道義自持嘗在宋末與葉李同門清見李卓越不羣嘗曰李非凡子也已而李以京學生叩關斥言宰臣似道置公田變楮幣諸新法非便得罪投漳州朋從莫敢往省清獨往與之訣且為具飲食服用之需俾所親護送出二千里外及似道敗李免歸清候之江上相見無一語相勞第勉之以風節自終元至元間李居左揆士趨附恐後清頽之漠然若未始有一日之雅者李亦念清不置數遣人迎致之清卒不往以布衣終其身所居在其邑之東山下鄉人咸稱之曰東山先生

杭州府志

汪懋卿

寧波府志

汪懋卿奉化人與弟森卿全貢于鄉遭宋亡兄弟並隱

居不仕杜門著書懋卿二子灝瀚承家學治易春秋躬

耕孝養亦不求仕灝先^卒有詩文曰蠟臺稿知州馬稱

德元時奉化為州荐瀚于憲司授衢州路學錄不赴明初府文

孝單有成奉使采修實錄書二貢士于宋二隱士于元

時稱一門盛事 寧波府志下同

陳應麟

陳應麟字天祺鄞人淹貫經史至曆教之孝無不究其

指歸人稱通儒一日乘馬出有失馬者亟前認馬應麟

問曰子亡馬幾何時對曰逾月矣應麟有馬數年遂與

之挽轡而去。明日馬從別得，乃詣應麟叩頭謝庭下。至元間，朝廷以安車召賢良，應麟謂使者曰：「吾祖宗世為宋臣，子孫不忍食元祿，固辭不起。賜號純德先生，時趙文敏公嘗為逸民詩以美焉。」

應本仁

應本仁，字本立，鄆人。曾大父伯謙為宋觀察使，以忠直名。由伯謙而上，逮衛國文敏公傑，歷世顯于宋。本仁以家世為宋臣，義不仕元，隱居城南，博學好禮，愛人喜施，慷慨有大志。嘗募范文正之為人，規建義莊，創屋舍五十餘間，割慈溪腴田五百餘畝，收其歲入以濟親族里黨之貧乏，與婚姻喪葬之不能舉者，又即其中為義塾。

延師以訓導親族里黨之子弟，供膳服用，悉有常制。

時其出納定其條約，使後裔世守之。郡府以其事達宣慰使司行中書省，移浙東廉訪使者覈實以聞，褒嘉之。時翰林李士黃文獻公潛為紀其事于石，故世傳為應

家館云

墓戴顯墓左，形著有松下偶抄。

楊子祥

楊子祥，字吉甫，餘姚人。父克和，明春秋學，士多宗之。子祥卓犖有奇氣，言侃侃必稽於道。江萬里異之，奉為縣監稅，不就。教授海濱，生徒甚盛。遭宋亂，兵興避地西浙。時劉夢炎事元，為吏部尚書，聞子祥賢，欲致之。子

之挽轡而去。明日馬從別得，乃詣應麟叩頭謝。庭下至元間，朝廷以安車召賢良。應麟謂使者曰：吾祖宗世為宋臣，子孫不忍食元祿，固辭不起。賜號純德先生。時趙文敏公嘗為逸民詩以美焉。

應本仁

應本仁，字本立，鄞人。曾大父伯謙為宋觀察使，以忠直名。由伯謙而上逮衛國文敏公，餘歷世顯于宋。本仁以家世為宋臣，義不仕元，隱居城南，博學好禮，愛人喜施，慷慨有大志。嘗募范文正之為人，規建義莊，創屋舍五十餘間，割慈溪腴田五百餘畝，收其歲入以濟親族里黨之貧乏。與婚姻喪葬之不能奉者，又即其中為義塾。

吳大有

紹興府志

吳大有，味人，寶祐間遊太學，率諸生上書言買似道奸狀，不報。遂退處林泉，與林昉、遠、白珽等七人以詩酒相娛。時人以比竹林七賢。元初，辟為國子檢閱，不赴。卒塋戴顓墓左，所著有松下偶抄。鈔以興府志下同

楊子祥

楊子祥，字吉甫，餘姚人。父克和，明春秋學，士多宗之。子祥卓犖有奇氣，言侃侃必稽於道。江萬里異之，奉為縣監稅，不就。教授海濱，奉徒甚盛。遭宋亂，兵興避地西浙。時劉夢炎事元，為吏部尚書，聞子祥賢，欲致之。子

祥不顧東還。遇鄧牧謝翱及方九思於臨安。九思者亦姚人。自言有司馬子長之風。相與吊古賦詩。徜徉湖山間。復有薦此數人者。乃皆去。歸其鄉。而子祥歸姚。杜門著書。垂二十年而卒。

葉仲凱

葉仲凱。餘姚人。博涉經史。善屬文。咸淳甲戌。禮部正奏名。為當國者所忌。罷歸。會代場易。終身不仕。或勸之曰。君未食宋祿。今仕元。何不可。而甘貧賤。仲凱對曰。吾聞周德雖興。夷齊不厭薇蕨。漢道方盛。黃綺無間山林。人各有志。柰何違之。勸者乃止。仲凱教授鄉里。敦篤之風。藹

然。為詩歌。寓廢興存亡之感。故老往。置不忍讀。金華黃潛序之。

石余亨

石余亨。字成已。新昌人。登咸淳進士。仕於鄞。已而棄官。歸沃洲。自號休翁。避丙子之亂。奔走萬山中。更號適翁。平生自喜為詩文。孫璞欲梓遺稿。弗許。曰。聊以適吾意爾。未必名家已。而慨然曰。吾家更八九世。皆不。失素業。至余身益窮。今老矣。然不辱於盜賊。不死於道路。獲奉遺體。下從先君子於九原。亦幸矣。因預為之銘。曰。膠。平。申。平。將。久。存。以。瘁。余。形。乎。寧。亟。歸。以。全。余。真。

乎悲夫

黃竒孫

黃竒孫字竹素新昌人度曾孫也敦行誼有古風師事
俞浙石余亨韓性該博經史避元隱居不仕所著有南
明志蜩鳴集及輯其祖三朝言行錄藏于家

潘音

潘音字聲甫新昌人幼聰敏強記能文生甫十歲而宋
亡見長老談厓山事即潛然涕下及長讀夷齊傳擊節
憤歎以事元為戒日惟杜門讀書談道多所自得後訪弟
元甫于義烏因往從草廬吳澄學泰定間澄以薦召欲

行音勸止之不從遂歸築室南洲山中自名其軒曰待
清隱居所著有待清軒稿

徐天祐

徐天祐字受之山陰人以父相思為將仕郎銓試詞賦
第一尉歸安時年尚少即以吏事稱嘗出郊吏具供帳
甚飾天祐詰所出吏以例對天祐曰費出於官則犯法
於民則重擾例安可用却之貴人居邑者將厲事出謂
人曰吾見尉自不敢有所請中進士第為大州教授日
與諸生講經義聽者感發德祐二年以國庫書監召不
赴退歸城南杜門讀書四方學者至越必進謁天祐高

冠大帶議論卓々見者以為儀刑

許稟

許稟字養浩崑山人元度之後景定初進士教授金陵累官太孛國子錄時丁大全用事諸附麗者皆通顯有沈肅者為之腹心藉勢輒禍善類太孛學六館士以上書獲罪徙他州時劉黼寓越在遣中稟往見之義于色作書切責肅怒將置于法人危之稟曰吾以此得罪夫復何憾時論壯之後宋亡避居東陽遂卒而葬焉

劉揚祖

寧波府志

劉揚祖字弘宗慈溪人幼有志操穎悟絕人崇伊洛正

李景定三年登進士第除江州教授李政修奉推為崇文院校書郎時賈似道執政內外爭附揚祖獨挺然無忌言事忤旨斥監沅東酒稅臺官交薦之起授通直郎宰南劍之將樂建言時政利病似道不悅再斥之明年以例起為撫州判官改守吉州福建提點刑獄遷刑部員外郎入朝益勵志節遇事敢言似道益惡之時同郡士以事坐廢者六十餘人揚祖與焉似道迫于公議尋復故職進禮部郎中似道使人欲以富貴輒謝絕之值似道崇建臺榭廣求珍玩揚祖疏謂朝廷不當忘任國大務坐待其敝似道又欲斥之會揚祖丁內艱不果自

後國事日蹙嘆曰人臣當與國同存亡今大事已去不可為矣遂有肥遁山林之志逾年而宋物改冠帶哀慟及元下詔求賢揚祖不忍聞遂徙家雲湖寺山之東原更求其西茅山建介白樓以為讀書行樂之所時從弟華亭主簿榮祖季子叅知政事道中俱未仕時與講解經傳議論規飭正氣激發墾田給食自號介白散人以示不臣之意

字汝府在正高

姚懈孫

姚懈孫字應懈登孫之從子慈谿人宋末本鄉薦補國子助教正身率下勤于啓迪館士叩其淵源者履滿戶

外秩滿館下借留於銓部乃以上聞改奉錄毀奉益字登孫前為司業諸生稱為東南遺老懈繼之人以為世典成均善於其職尤所罕者懈博學清介為文家傳皆以蘇氏擬之及元渾一不屑于仕即退隱雙峯別墅卒之日嚮衣以塋所著有雙峯文集詩稿行于世

陶椿卿

陶椿卿字均壽定海人以禮經魁宋末癸酉鄉試覆試又魁父回春登咸淳進士倅平江府而卒廬墓終身元初被選奉力辭不起鄉邦異之

游汶字魯望德清人咸淳中歷江西江東福建提點刑
獄俱有能聲買似道當國時事日非汶與論事不合至
于流涕宋亡家居叅政蒲大年以遺老奏召為福州總
管堅辭不就所衣一布袍書其背曰前宋遺民

湖州府志下同

欽德載

欽德載兵興人仕為都督計議官宋亡德載不肯送降
款元兵募生致之欲授以官德載裂其板授書即遁隱
碧岩山自號壽岩山人

章鑄

章鑄字子壽烏程人仕為修職郎宋亡元令故宋官納

誥勅鑄終不肯以世食宋祿坐六未嘗北向

周密

湖州府志

周密字公謹錢塘人宋寶祐間為義烏令入元不仕詩
極典雅善畫得意輒自題其上所著有齊東野語癸辛

雜志

杭州府志下同

金應桂

金應桂字一之號蓀壁錢塘人能詞章宋季為縣令入
元隱居風篁嶺書李歐陽詞畫李李龍眠葉蓀壁山房
左弦右壺中設圖史古器客至撫玩清談灑灑不休每
肩輿入城幅巾氅衣望之若神仙云

謝國光

嘉興府志

謝國光字觀夫嘉興人咸淳間對策言時事剴切主司畏賈似道不使登第補太學生不仕詔書侍御史程鉅夫奉詔搜賢咸薦國光輒杜門稱疾以經史自娛及卒遺命題其墓曰安節謝國光之墓嘉興府志下高

常詵孫

常詵孫字宜鄉嘉興人累辟不起門人稱為雪溪先先所著有雪溪稿天閑雜著櫟齋筆記

陸正

陸正字行正嘉興人居武原鄉博學篤行通律呂象數

之學元侍御程文海薦之不起後與劉容城同徵俱不起隱居教授其學以慎獨存心為要

王宏

衢州府志

王宏字存道西安人博涉經史工文詞字宏逼真晉法崇事理學自憤生丁未運隱而不仕其紀年仍用宋德祐年號衢州府志

薛魁祥 顧近仁

温州府志

薛魁祥字壯行平陽人有文行登咸淳進士授淳安尉宋革命遂棄官杜門著書辟連江宰不就每與文天祥言及宋祚輒歎歎流涕其忠憤見于詩辭有荷渚詠史

等作同時有願近仁字力行才器備邁亦以革命不任
李者宗之曰江南先生有詩萬餘首名小慚集溫州府志

陶菊隱趙孟頫

嘉興府志

陶菊隱佚其名嘉興人德祐末元兵南下菊隱聞勤王
之詔散家財招義旅以拒元宋亡流寓者多以為依戒
子弟勿仕元同邑有趙孟頫華亭有殷澄稱秀州三義嘉興府志

徐俊

湖州府志

徐俊德清人為國子生率六館諸生乞誅買似道疏三
上不報國亡不復仕進元至元中累徵不起湖州府志

陳存

湖州府志

陳存安吉人累官兵部尚書端明制置使宋亡元遣使
七徵不起尋遭疾却醫絕食旬有四日而卒

刘若濟葉氏

慶州府志

刘若濟字君用青田人咸淳進士義不仕元自謂出于
六民之外別號為七民較校正石門洞集同邑葉紹字继
甫以賢良方正聘于朝掌永嘉教事士風丕變德祐間
聘修國史日歷後宋亡孑然高遜俱有古烈士風云慶州府志

季直方

金華府志

季直方字德方東陽人為入沉毅方介少以世業治尚
書奉進士不第退治河洛之學德裕初會求直言抗疏

闕下不報歸益潛心六籍百氏之書議論風生聲實無
著宋亡遂隱居授徒陳樵胡滅陳士允皆以文季知名
晚歲家益貧耕躬自給人以龐德公擬之以高壽終季
者稱復菴先生全集存玉下同

杜濬之

杜濬之字若川伯高之孫明春秋領鄉貢宋易世後感
激自悼矯行晦迹寄食西峯僧寺以終述志詩云寧枉
百里步曲木不可息寧忍三日飢邪蒿不可食雖云食
息頃便分淑與慝志士當暮年聞道轉歷々要使此一
身如琢復如滌整冠與納履微嫌費疏剔未若瓜李地

絕不見吾迹其勵志如此

吳讓

吳讓字仲恭浦江人任月泉書院李錄與方鳳吳思齊
謝翱為道義宋亡同寓讓家翱卒無嗣讓為經營喪葬
刻石志墓復緝士夫哀誄為哭謝編孫志德別見武功
傳

吳涓

吳涓號清翁浦陽人為義烏縣令國亡退食吳溪慕陶靖
節自號曰潛齋延致鄉遺老方韶父與閔謝皋羽括吳子
善主於家結月泉吟社評較揭賞以春日田園命題取靖

節田園將蕪胡不歸之意名曰月泉吟社友多故宋人
隱姓名以別號行時至丙戌丁亥也

錢謙益

錢謙益記月泉吟社云

錢謙益

月泉吟社倣鎖院試士之法以丙戌小春月望命題丁
亥正月望日收卷三月三日揭曉以春日田園雜興為
題收二千七百三十五卷選中二百八十名自第一名
羅公福至六十名噴羅謙深衣布筆墨有差送詩賞各
有小劄往復主其事者浦陽月泉社詩盟吳渭清翁主
考謝翺羽其年前至元二十四年也按胡翰作謝翺
傳謂其自勾越之越之南鄙依浦陽江方鳳永康吳思
齊亦依鳳三人皆高年客吳氏里中擲貫作方鳳墓
誌言浦陽吳明府渭與其伯兄廟家塾延致先生吳

溪上晚善括蒼吳善父武夷謝臯羽則知翔傳所謂依
吳氏以居蓋依渭也臯羽死葬睦之白雲村其徒吳貴
買田祀之月泉精舍貴必渭之子弟也羽以丙戌哭
信公於越臺丁亥哭於西臺距信公亡五六年正吟社
考詩之年也當有宋初亡黍離板蕩之日遺民舊老皆
依渭以居渭可謂非常皆人矣西臺慟哭記稱友人甲乙
若丙張孟兼之注以吳思齊馮桂芳翁衡實之而不及
渭諸為羽立傳者亦不列渭名非吟社之刻則渭幾
泯沒無傳余故表而出之本朝程克勤輯宋遺民錄載
王鼎翁謝臯羽輦僅十有一人余所見遺文逸事吳越

間遺民已不啻數十人欲網羅之以補新史之闕以洗
南朝李侍郎之恥世之君子其亦與我同此歎惋者乎
癸未初夏日記

汪元量

浙江通志

汪元量，錢塘人，字大有。度宗時，以善琴出入宮掖。元兵入城，賦詩悲愴，頃之從三宮北去，流滯燕京。時有王清惠、張瓊英，皆故宮人，善詩，相見輒泫泣。世皇聞其善琴，召入侍，鼓一再行，駭有漸離之志，而無便可乘，遂哀懇乞為黃冠。世皇許之，瀕行，與故宮人十八人醢酒，城隅鼓琴叙別，不數聲，哀音哽亂，淚下如雨。張瓊英送之，詩曰：客有黃金共壁懷，如何不肯贖奴回。今朝且盡宮廬酒，後夜相思無此杯。元量既還錢塘，往來彭蠡間，風跡雲影，迄無寧居。人莫測其迹，傳以為仙也。人多画像祀。

其意甚久序汪水雲
再按為陶八子士流題詠其事
浙江通志

陶九成輯耕錄云

汪元量先生大有號水雲
兵平抗日詩曰西塞山邊
日落處北開門外雨來天
南人墮淚北人笑臣甫低頭
拜杜鵑又曰錢塘江上雨初乾
風入端門陣酸萬馬
亂嘶臨警蹕三宮灑淚濕鈴
鳶童兒騰遣追徐福癘鬼
須當滅賀蘭若說和親能活國
嬋娟應是嫁呼韓此語
尤悲哽先生詩有水雲集

錢通益跋汪水雲詩云

錢塘汪元量字大有以善琴事謝后及王昭儀國亡隨

之而北後為黃冠師南歸其詩見鄭明德陶九成瞿宗

古所載僅三四首夏日晒書理雲間人鈔書舊冊得其

詩二百二十餘首手寫為一帙湖州歌九十八首越州

歌二十首醉歌十首記國亡北徙之事周詳惻愴可謂

詩史有云第二延開入九重君王把酒勸三宮醅酥割

罷行酥酪又進椒盤剝嫩蔥又云客中忽忽又重陽滿

酌葡萄當菊觴謝后已叨新聖旨謝家田土免輸糧與

鄭明德所載花底傳籌殺六更風吹庭燎滅還明侍臣

寫罷降元表臣妾簽名謝道清合而觀之紫蓋入碓青

衣行酒豈足痛哉水雲作謝后挽詩曰事去千年速愁

之自號水雲子士流題詠其事

浙江通志

汪水雲

輟畊錄

汪元量先生大有號水雲。兵平抗日詩曰：西塞山邊
日落處。北關門外雨來天。南人墮淚北人笑。臣甫低頭
拜杜鵑。又曰：錢塘江上雨初乾。風入端門陣。酸萬馬
亂嘶臨警蹕。三宮灑淚濕鈴鳶。童兒騰遣追徐福。癘鬼
須當滅賀蘭。若說和親能活國。嬋娟應是嫁呼韓。此語
尤悲哽。先生詩有水雲集。

跋汪水雲詩

初學集

錢塘汪元量字大有以善琴事謝后及王昭儀國亡隨

之而北後為黃冠師南歸其詩見鄭明德陶九成瞿宗
吉所載僅三四首夏日晒書理雲間人鈔書舊冊得其
詩二百二十餘首手寫為一帙湖州歌九十八首越州
歌二十首醉歌十首記國亡北徙之事周詳惻愴可謂
詩史有云第二筵開入九重君王把酒勸三宮醅酥割
罷行酥酪又進椒盤剝嫩蔥又云客中忽忽又重陽滿
酌葡萄酒當菊觴謝后已叨新聖旨謝家田土免輸糧與
鄭明德所載花底傳籌殺六更風吹庭燎滅還明侍臣
寫罷降元表臣妾簽名謝道清合而觀之紫蓋入雒青
衣行酒豈足痛哉水雲作謝后挽詩曰事去千年速愁

來一死遲國滅君死幽蘭軒之一燼詎可以金源為夷
狄而易之乎余欲續吳立夫桑海餘錄卒未就讀水
雲詩畢援筆書之不覺流涕漬紙宗禎卒未七夕牧翁
記

藝文序汪水雲詩序
在外漢書陶少成撰新錄前

彩角

汪水雲詩序

趙文

讀水雲詩而不墮淚者殆不名人水雲杭人善琴嘗以
琴事謝太后及王昭儀暨國亡親見蒼黃歸附又展轉
北行道途所歷痛心駭目不可具道留燕日久尚能和
王昭儀歌詩訪文丞相於囚中三宮幸得不死沒者為
青塚存者為浮屠皆史記所未有蓋昔人統山頭之
歌水西流朕東上之嘆世：勿生來王家之恨一披史
冊尚能感涕君皆耳聞目見又能寫為詩幽憂沉恨殆
不可讀今君已入名山師作黃冠師飄然與古得喪之
外獨留此斷腸泣血遺千古羞與千古恨昔雍門周以

琴見孟嘗君不能令孟嘗君悲也。及為千秋萬歲後宗廟已不血食。高臺壞曲池漸填。墓下嬰兒豎子採樵者。躑躅而歌其上。然後孟嘗君泣。增哀若破國亡邑之人。况余亡國賤俘。未孟嘗君涕泣增哀若破國亡邑之人。况余亡國賤俘。未聽君之琴而先讀君之詩。其法為承臉已不。禁矣。君謂余吾取琴為先生鼓之。何如余拭淚謝之曰。止止。廬陵青山趙文儀可。

孟嘗君按趙文出文丞相門
見陵山文傳

宋季忠義錄卷十四終

宋季忠義錄卷十五

龔開

四明萬斯同輯

淮安府志

龔開字聖予。淮陰人。少嘗與陸秀夫同居廣陵幕府。及世已改往來故京。家益貧。故人賓客候問日至。立則沮如。坐無几席。一子名浚。每俯伏榻上。就背按紙作唐馬圖。風駿霧鬣。豪斷蘭筋。備盡諸態。一持出。人輒以數十金易之。藉是不饑。然竟無所求於人而死。志節既峻。儀觀甚偉。文章議論愈高古。嘗為文。宋瑞陸秀夫二傳。人以為類。司馬遷班固陳壽以下不及也。見桑海道錄序。淮安府志

宋季忠義錄卷十五

四明萬斯同輯

龍光同

男

龔開

江南通志

龔開字聖予淮陰人宋亡不仕家益貧賓客造訪至無
几席子浚每俯伏榻上就持按紙作唐馬圖人輒以多
金購之嘗為文天祥陸秀夫作傳以南通志

續通志市籍海遺錄序曰

字集

余讀吳萊立夫桑海遺錄序稱淮陰龔開聖予所作文
宋瑞陸君實二傳類司馬遷遷班固所為陳壽以下不及
也余往搜癸辛雜見聖予水滸三十六贊知為徑奇
之士因立夫之言求向其所謂二傳者卒不可得意其
蕪滅不復傳人間矣江陰李君如一家多藏書有陶宗

宋季忠義錄卷十五

四明萬斯同輯

龍芝同

男

龔開

江南通志

龔開字聖予淮陰人宋亡不仕家益貧賓客造訪至無
几席子浚每俯伏榻上就背按紙作唐馬圖人輒以多
金購之嘗為文天祥陸秀夫作傳江南通志

重輯桑海遺錄序

初學集

余讀吳萊立夫桑海遺錄序稱淮陰龔開聖予所作文
宋瑞陸君實二傳類司馬遷遷班固所為陳壽以下不及
也余往搜癸辛雜見聖予水滸三十六贊知為徑奇
之士因立夫之言求向其所謂二傳者卒不可得意其
蕪滅不復傳人間矣江陰李君如一家多藏書有陶宗

儀九成草莽私乘。余從借得之。聖子所作二傳。及君實
挽詩序。皆具載焉。篝燈疾讀。若聞嘆噫。鬚髯奮張。髮毛
盡豎。手自僇寫。不敢以屬侍史。漬淚徹紙。不數行。輒掩
卷罷去也。當似道專國時。宋瑞累為臺臣。劾罷中外踐
更席。不暇煖。年僅三十有七。援錢若水例致仕。而君實
以乙科居廣陵幕府。凡十有六年。李制置祥甫始上其
名于朝。當此時。舉朝之視二人者。猶輕塵之棲弱葉。惟
不得掃而去之也。迨北兵日迫。宋瑞由贛州勅王。而君
實亦以奉請留中。朝廷之上。始知有此兩人。嘻。亦已晚
矣。宋瑞守平江。陞薛始建分鎮。用兵之策。朝廷猶以其

論濶遠。書上不報。至景炎新造。陳宜中猶以議論不合。
使言者劾罷君實。張世傑力爭。始召還。嗟乎。天下方胡
馬渡江。翠華浮海。此誠所謂中流遇風。胡越相濟之時
已。而大臣猶用機械。銛軋人言。官猶用畢牘。抹撤人首
尾。應和如承平時故事。一二勞臣志士。奮身于滄海橫
流之中。為國家任難。卒使之有項不得信。有唾不得吐。
駢首縮舌。與社稷俱燼。宋家三百年宗廟。一旦不食。其
所繇來者漸矣。蓋非獨似道一人之故也。夫勞臣志士。
既得死。所以報國恩而酬人望者。無餘事矣。獨其志
有所為。而時事不可為。時事猶或可為。而坐視其必不

可為持忠入地殺身無補千載而下覽其事者歎歎煩
醒天地改色靈風怪雨發作於敝紙滄墨之間而况立
夫之去宋季非立乎定哀者乎又况聖子之與君實同
居幕府而身為遺老者乎嗚呼其尤可感嘆也矣立夫
所輯桑海遺錄既不可得而見而其序幸存今又得聖
子二傳則其書猶不亡也余故錄為一通藏之篋衍題
之曰重輯桑海遺錄與立夫同時者黃文獻公潛作陸
君實傳後序補聖子之闕逸訂新史之同異其文亦迂
固傳也庸并著之新史二傳多沿襲聖子又已著于史
故不復載武夷謝翱臯羽者信公之客亦以遺老終猶

君實之有聖子也其遺文以類附焉若有宋之餘民舊
事網羅放失不可勝紀余藏書不多力未之逮也蓋將
遍訪之好古君子如李君者以卒立夫之志焉而為之
序以發其端萬曆四十七年夏四月史官錢謙益謹叙

孟文龍

蘄州府志

孟文龍字震翁鄒國亞聖公之後宋昭慈后五世妣孫也高

祖信安郡王忠厚鎮吳遂占籍為吳人初以世賞補將仕郎
後中銓試受迪功郎監華亭船塢調嚴州錄事參軍再調兩
浙西路安撫司准備差遣時賈似道枋國百僚多隳法就風
旨公獨守職屢忤其意不少頃章鑑趙順孫交薦不報循調
從政郎浙東提舉常平幹辦公事丁內艱不行始自咸淳以
來被命主昭慈祀事元兵壓吳文龍奮激有賈勇三軍之氣
與守臣議不合遂返眾昭慈之廟後平章史弼等薦起之文
龍致書曰文龍未死慚負神明群公相國以忠孝文龍為群

公起將何以令今之事君者敢以死辭遂止不出戶庭者三十年著易解大全三十卷

蘇州府志

俞琰

俞琰字玉吾吳縣人生宋寶祐間以詞賦稱宋亡隱居著書不復仕進以義理之學淑諸人於書無不讀精于易學尤好鼓琴既老自號石澗元貞間卒年七十餘其所述諸家易說百餘卷名曰大易會要自注上下經十翼名曰周易集說又有陰符經解一卷周易參同契發單三卷

玉吾家西潤及後徙南園字上隱居不仕自言遇異人授讀易法圖說非古作者
其丹砂煉皆所不屑年七十愈強自知死則內遊以尚道志

陳深

陳深字子微世為吳人生于宋習舉子業宋亡棄故習篤志古學閉門著書有讀易編讀詩編春秋編弟子甚眾且有高名深書筆亦精天曆中天章閣建以能書薦之潛匿不出以終別號字極學者稱寧極先生子植字叔方少負才氣喜與侷儻之士游既而折節讀書克繼父業有孝行晨夕躬事庖饌親之中裙廁踰手自浣濯更世變以琴書自娛一辟召皆不起植子紹先自有傳

蘇州府志下同

張慶之

張慶之字子善其祖以武職入官從建康徙吳文明字子聰

公起時何以令今之事君者敢以死辭遂止不出戶庭者三十年著易解大全三十卷 蘇州府志

俞琰

俞琰字玉吾吳縣人。生宋寶祐間。以詞賦稱。宋亡。隱居著書。不復仕進。以義理之學淑諸人。於書無不讀。精于易學。尤好鼓琴。既老。自號石澗元貞。間卒。年七十餘。其所述諸家易說。百餘卷。名曰大易會要。自注上下經十翼。名曰周易集說。又有陰符經解一卷。周易參同契發揮三卷。易外別傳一卷。出

易系江南通志俞書齋夜話四卷。席上腐談二卷。弦歌毛詩譜一卷。見後 蘇州府志

陳深

陳深字子微。世為吳人。生于宋。習舉子業。宋亡。棄故習。篤志古學。閉門著書。有讀易編。讀詩編。春秋編。弟子甚眾。且有高名。深書筆亦精。天曆中。天章閣建。以能書薦之。潛匿不出。以終。別號寧極。學者稱寧極先生。子植。字叔方。少負才氣。喜與侷僮之士游。既而折節讀書。克繼父業。有孝行。晨夕躬事。庖饌親之。中裙廁。喻手自浣濯。更世變。以琴書自娛。一辟召皆不起。植子紹先。自有傳。 蘇州府志

張慶之

張慶之字子善。其祖以武職入官。從建康徙吳。父明字子聰。

公起將何以令今之事君者敢以死辭遂止不出戶庭者三十年著易解大金三十卷 蘇州府志

俞琰

俞琰字玉吾吳縣人生宋寶祐間以詞賦稱宋亡隱居著書不復仕進以義理之學淑諸人於書無不讀精于易學尤好鼓琴既老自號石澗元貞間卒年七十餘其所述諸家易說百餘卷名曰大易會要自注上下經十翼名曰周易集說又有陰符經解一卷周易參同契發揮三卷易外別傳一卷幽明辨惑二卷書齋夜話四卷席上腐談二卷弦歌毛詩譜一卷男仲溫克承其志 蘇州府志

陳深

陳深字子微世為吳人生于宋習舉子業宋亡棄故習篤志古學閉門著書有讀易編讀詩編春秋編弟子甚眾且有高名深書筆亦精天曆中天章閣建以能書薦之潛匿不出以終別號寧極學者稱寧極先生子植字叔方少負才氣喜與侷儻之士游既而折節讀書克繼父業有孝行晨夕躬事庖饌親之中裙廁喻手自浣濯更世變以琴書自娛一辟召皆不起植子紹先自有傳 蘇州府志

張慶之

張慶之字子善其祖以武職入官從建康徙吳父明字子聰

氣岸奇偉慶之少有志操為奉子業速長棄不習出入經史百氏精思積年擬太玄作測靈又撰孔孟行語絕意仕進好為山水之游著虎丘賦因號海峯野逸做五柳先生作海峯遺民傳以伯夷將詡陶潛司空圖自况且謂沈冥似海峻厲似峯時人尚其狷介初文天祥知平江慶之齒諸生之列洎國亡集杜詩備述天祥平生大節有海峯文編三卷并老子注測靈衍語續胡曾史詠詩

宋無

宋無字子虛吳人生宋景定間嘗習奉子業科奉廢遂專工詩比對精切造語新奇有隱居之趣所著有翠寒集

吟藝集嘗奉茂異不就年八十餘卒

蘇州府志

又

遺民廣錄

宋無

以遺民廣錄為侍

荆湖又避襄亂徙吳門

弱冠已弃科奉惟嗜詩

且通史從廬陵歐陽守道吳齋公學當捨擗轉徙中政不較詩名震一入元中丞王西溪嘉其才奉茂異以奉親辭往來金陵句曲間十年乃歸年五十就人館教佔畢垂二十載薄味清齋經年被禍從林下游行不用杖性畏酒其人淵默似不能言處衆多漠然及過故人則抵掌劇

氣岸竒偉。慶之少有志操。為奉子業。逮長。棄不習。出入經史。百氏精思。積年擬太玄。作測靈。又撰孔孟行語。絕意仕進。好為山水之游。著虎丘賦。因號海峯。野逸。做五柳先生。作海峯遺民傳。以伯夷。蔣詡。陶潛。司空圖。自况。且謂沈冥似海。峻厲似峯。時人尚其狷介。初文天祥知平江。慶之齒諸生之列。泊國亡。集杜詩。備述天祥平生大節。有海峯文編三卷。并老子注。測靈行語。續胡曾史詠詩。蘇州府志

宋無

宋無字子虛。吳人。生宋景定間。嘗習奉子業科。奉廢。遂專工為詩。比對精切。造語新奇。有隱居之趣。所著有翠寒集。

吟齋集。嘗奉茂異。不就。年八十餘卒。

蘇州府志

又

遺民廣錄

宋無字子虛。原名允。字瑞顏。宋亡。乃易之。其先固始。人生於宋景定庚申。從父國珍。自涪徙荆湖。又避襄亂。徙吳門。復冒朱姓。少負氣節。不求仕進。未弱冠。已弃科奉。惟嗜詩。且通史。從廬陵歐陽守道。吳齋公學。當搶攘轉徙中。敢不輟詩。名震一。入元。中丞王西溪嘉其才。奉茂異。以奉親辭。往來金陵。句曲間。十年。乃歸。年五十。就人館。教佔畢。垂二十載。薄味清齋。經年被褐。從林下游。行不用杖。性畏酒。其人淵默。似不能言。處衆多漠然。及過故人。則抵掌劇。

談絕倒乃已詩超邁不羣所著有翠寒吟嘯霽迺集寒齋
冷話吟嘯者劉禦寇所謂寐聲也廬陵中甫鄧光荐序之
又與趙子昂孟頫馮海粟子振善二人並序其翠寒集歷
元至正庚辰年八十一歲自作誌銘無子不知以何年終
遺民廣錄
張燮

廬州府志

張燮字子昭其先後儀人宋有官御器械者從國南渡居
錢塘再徙吳燮少力學嗜書所居臨市衢構樓藏書自經
傳子史稗官百家無所不有其學無所不通而尤精於律
呂每衆坐聞樂輒俯首輦感嘆曰吾其不免乎於時宋亡
已久故宮老枝猶有存者燮從之問宋遺事朝廷宗廟宮

室輿服朝會讌享生殺除拜咸得其詳所著書曰繼潛錄
書畫補遺墨記子田字芝已亦攻文詞田子音字繼孟一
字寄夢少從金華宋濂學所為詩文清麗有法尤長於南
詞新聲年八十餘卒所著有夢菴集廬州府志

遺民廣錄

張燮吳人生元初髫年嗜琴宋亡已二十餘載每從故老
遺民間宋遺事下至幽人遁士務盡得其詳喜遊錢塘宋
故都歲一再往凡荒臺壞塚廢宅頽垣必徘徊嗟嘆不能
已兼通音律每過廣造坐客方歡獨歛歛欲絕臨市構樓
蓄書萬卷日緝閱研究有會心則引琴高吟不喜人言科

第官富以寡約終身年六十四。述以唐錄

陸霆龍

陸霆龍字伯靈華亭人咸淳鄉貢宋亡即棲逸教授終其身衣冠不易嘗自畫像贊云勤：劬：耽嗜慕悅而不能舍者聖賢之書超：超：畏懦退縮而不敢登者世利之途輕霞以為臉積雪以成衣：前後而檐如儼張拱而徐趨或者見之而指笑此无抱遺經行古道之拘儒時同郡曹光遠者丁未進士宋亡衣冠不改人稱為大頭巾相公云

梁棟

梁棟字隆吉其先湘州人曾祖羽之諱翼祖仲玉諱琛父安道諱定皆仕於金：以安道挈家渡江而南僑寓鄂州壬寅十二月十六日生棟後徙居鎮江棟生穎秀不凡沉酣墳史甫弱冠即領漕荐年二十七登戊辰龍飛第初選寶應縣簿壬申再調仁和錢塘尉辟入帥幕名動士林甲戌避地建上值丙子宋亡遂歸武林湖上隱居不出武林為舊宦游處甘棠之思久而愈切棟安貧守道澹泊自怡絕無求於人世弟中砥諱柱為道家入茅山從老氏李棟往依焉庚寅以詩得禍幾不遭測自是名益著受白下山水又喜去茅峯不遠遂卜居建康江東人士問字者踵

相接也。然時：往來茅山中，究心性命。乙巳七月七日，無疾坐逝，年六十四。葬城南鳳臺之西鄉棟。平日好吟詠，成即去其藁，無有存者。門人問故，曰：吾詩堪傳人，自有腹藁在。故詩多湮沒不傳。死後，門人裒集所記憶者若干首，成集金華胡迥序之。

吳龍翰

吳龍翰，字式賢，號古梅，歙人。咸淳鄉貢，荐授國史院寔錄文字。元初，鄉校諸生禮請充教授，尋即棄去。嗜奇，李博釋老之書，無不究觀，而卒歸於正。劉後村方秋崖皆極稱之。

胡次焱

胡次焱，字濟鼎，一字餘李，婺源人。咸淳四年進士，授貴池尉。元兵及境，都統制張林納款，有異者輒收殺之。餘李脫身歸，以易教授鄉里。人稱梅巖先生。或以官進，招之作媒。婺源問答詩見志。

滕堞

滕堞，字仲塞，婺源人。生宋末，入元不仕。常命兒子舜夫求文，相遺墨，得其所書過金陵驛，詩以歸。日懸於堂，焚香拜泣，著有星崖集。

汪宗臣

汪宗臣，字公輔，婺源人。咸淳中兩中選，入元不仕。有紫岩

稿

程楚翁

程楚翁婺源人元兵入臨安楚翁散家貲結死士謀恢復事洩被執賂守者得脫走闔閩容謝疊山所十年一寓於詩有黍離麥秀之感疊山北去死逆旅中

王恭來

王恭來字復元文正公且之後自金陵徙華亭由鄉貢入太學生至元中再徵不起程鉅夫荐至京館於集賢時召論前事持正不回即拂袖歸裒集詩若干卷皆不經人道語

周之翰

周之翰字申父華亭人宋末元初教授于鄉博究群書通象數之學所著有乾坤闔闢天地生成陰陽變化山川流峙四圖并贊隱居不仕以壽終

元溥

元溥字泉卿宜興人幼習孝子業見宋室將危輒棄去宋已絕意進取自號耘軒處約以終

見上多录在蕪州府志俞煥傳下

江南通志 下同

園宋亡隱居不仕自言

遇異人授讀易法闡發圖說非苟作者若丹砂化煉皆
所不屑年七十愈強自知死期而逝

金可文

金可文字素公嘗曰幸有廬一區可避風雨田一丘可
給饘粥學聖賢道可以自樂不願仕也集賢院署牒賜
號貞逸

沈性

沈性字自得宋上舍生江南內附乃構山房著道士服

俞琰

江南通志 下同

俞琰字玉吾家西洞庭後徙南園宋亡隱居不仕自言
遇異人授讀易法闡發圖說非苟作者若丹砂化煉皆
所不屑年七十愈強自知死期而逝

金可文

金可文字素公嘗曰幸有廬一區可避風雨田一丘可
給饘粥學聖賢道可以自樂不願仕也集賢院署牒賜
號貞逸

沈性

沈性字自得宋上舍生江南內附乃構山房著道士服

不接時貴以終其身著述甚富

王鵬

王鵬字九萬博洽經史隱洞庭東山至正間屢徵不起
著有緱山集

馬國珍

馬國珍西洞庭山人嘗應召不受職賜號靜逸居士

唐元

唐元字本初吳人讀書淹雅嘗乘舟號一葦航載書古玩
浮游江湖因稱為葦航子

曹知白

松江府志

曹知白號雲西居華亭長谷里至元間從左丞鑿吳淞
江大府薦為崑山教諭不從辭去嘗游京師王侯巨公
交章屢辟知白悉辭謝曰吾聞冀北多奇士豈齷齪求
官者耶即日南歸隱居讀易終日不出戶庭

松江府志

陸厚

陸厚居城東自號東園散人博洽經史尤精孫吳書兵
亂往來天目靈巖苔雪間將某聞其名覓之不可得兵息
返故廬放浪三泖中或竟夕忘返勸之仕不應有詩集號
右漁唱

楊謙

楊謙別號竹西讀書不仕嘗築小樓登眺題曰雲山不礙樓楊維禎貝瓊俱為歌詠

孫稷

孫稷字長慶言行謹飭嘗舉為文學官不仕築室於橫雲山之支隴名其居曰小山招隱讀書賣藥以終老

蔣捷

江南通志下同

蔣捷字勝欲宜興人舉德祐進士元初晦跡不仕大德中憲使臧夢陸詳皇薦其才不就稱竹山先生江南通志下同

許恕

許恕字如心江陰人家北郭因號北郭先生部使者薦授澄江書院山長不就慕韓伯休為人因通其術著北

郭集

劉光

劉光字元輝歙人開門授徒五十餘年行省差充寧國路學正不赴

汪萊甫

汪萊甫字芳卿歙人好讀易自號草窗先生太史虞集薦之詔有司辟舉堅辭不赴

羅榮祖

羅榮祖字仁甫歙人與處士蕭翽等同被徵鄭左參力為勸駕榮祖書招隱詩謝之

趙彌忠

趙彌忠字資敬休寧人力學窮理廉使薦以官不就

許宗堯

許宗堯字子仁績溪人博通經史累徵不就隱大鄣山有碩人風

李偉

李偉字敬叔祁門人師同郡胡方平咸淳中任郡丞

賓師八元不仕嘗作經史訓注二圖

梅致和

梅致和字彥遠宣城人從母兄汪文節受春秋著類編十二卷隱於城南部使者王士熙吳鐸雅重之屢辟不起卒宋濂誌其墓

魚潛

魚潛字德昭當塗人值元代宋隱居養鵝鴨以自給著詩甚富見輟耕錄

朱可與

朱可與舒城人好學博覽尤善尚書慕古高士風節不

干仕進，隱居教授，以文行著。

王宗岳

王宗岳，字良佐，臨淮人。厭俗學，肆力性道。勸之仕，輒不應。人稱養高先生。

范思敬

范思敬，全椒人。有志操，能文章。隱於石子崗梁庄，號栖谷子。

盧志賢

盧志賢，廣德人。元時人，嘗隱居林下，清修之節，當時重之。

嵇聳

嵇聳，高郵人。布衣尚義，文丞相天祥見逐于真州，聳迎事於家，資送航海，達行在。時有工部侍郎柳岳進降表，道徑其莊，聳憤岳賣國，殺之。見恭帝本紀

殷澄

殷澄，字公源，華亭人。家富好施，人目為殷佛子。澄性介特，事閔大義，委身不顧。避地南塘，元兵入華亭，南塘猶未下，將軍楊瑄屠之，澄奮扣軍門，大言曰：郡縣新附，將軍不撫綏招徠，而願欲盡勦斯民耶？楊怒，手劔叱之。澄正色曰：殺我一人，活千萬人，死猶生也。楊感悟而止。丞相伯顏聞而義之，授華亭軍民都總管，使守其地。澄不

受後野服、隱居浦上。

俞德璘

俞德璘字宗大。父卓為廬江令。家丹徒。景定中。魁鄉薦。咸淳中。魁浙江。元丞相辟行省郎中。不就。行大司農。江浙行省累薦。皆不就。性孝友。好施予。博學多識。人咸敬慕。有佩韋文集十六卷。輯聞四卷。

姚和中

姚和中。號四清。當塗人家。世業儒。徵召不赴。一時從者甚眾。宋濂跋其墓銘。述其師吳淵穎之言曰。當塗有姚四清。徵君者。時碩士也。

陳公榮傳

閩書下同

陳公榮字子華。長樂人。初游太孛。景炎元年。元兵入境。公榮破產。與子宗傳。族子老成。募兵勤王。會蒲壽庚叛于泉州。帝舟自泉趨潮。明年。張世傑會師討壽庚。公榮等率兵赴之。老成戰死。同死者一百七十人。老成有膽勇。善計謀。公榮深倚之。至是。遂不能軍事。聞贈老成御史。臺檢法官。賜祭。授公榮福清縣令。宗傳提刑。司檢法官。時閩地已盡失。歸老于家。公榮臨沒。戒族人無出仕。故終元之世。無一人附宦籍者。
同書下同

留東傳

留東字純仁永春人登鄉奉入國李景炎丙子以兩登
極恩賜同進士出身授肇慶司法叅軍廉勤有聲陞從
事郎清海軍節度推官未幾改帶行國子編較平海軍
節度推官宋亡杜門不仕至元平郊錄宋故臣授桂陽
縣丞及乳源縣尹俱辭不就子伯惠授將仕郎孫天錫
授泉州路儒李教授亦不赴國初進士何德本贊東像
有身元心宋為古逸民之語

黃鎮成傳

黃鎮成字元鎮邵武人弱冠即慨然以聖賢道奉自勵
李者號存齋先生至正間築室城南名南田耕舍作詩

馮懷曰白日不停馭顏波竟東馳忽、年歲改念此將
安歸我欲驅車行太行路嶮巖我欲駕方舟滄海無津
涯豈不願行邁出門慎所之有田南山下可以供盛筵
中盧在中田可以譚詩書上探羲皇際下及商周時賢
聖尚淪落微生亦何疑懷哉羨門子千載以為期部使
者相繼論荐授江西儒李提奉不應以壽終集賢定謚
曰貞文處士所著有尚書通考周易通義中庸章指性
理發蒙秋聲集

王德裕傳

王德裕長泰人年十三入邑庠充弟子員十八而宋亡

聞元詔至拜哭于庭裂衣巾焚之延祐初訪求遺逸彼
微不就教授生徒李者宗焉

陳與桂

陳與桂字彌芳晉江人年少博學咸淳中領鄉薦入元
不仕隱于安溪水竹村文行高古後李矜式之稱水竹
先生

鄭鉞

鄭鉞一名少偉字夷白莆田人咸淳中特奏名與黃仲
元郭堂俱閩中之望宋亡不仕嘗入陳文龍幕記文龍
遺事言甚痛憤貯著有雲我存稿孔子年譜仲元為序

其存藁

余讓一

余讓一字子同莆田人與弟士明連中江西漕試而讓
一第咸淳進士調泉州石井書院山長累知化州入元
不仕好為古學辭語渾成警切名文章家士明亦知南
安縣

林壁鄉

林壁鄉號樵谷莆田人精易象星數之學世祖欲授以
官力辭歸隱麥斜巖著書自樂李者稱節隱先生

鄭君老

鄭君老字邦壽福寧人咸淳進士乞歸養親連丁內外艱未起而宋亡元初知君老者交薦于朝累徵不起君老十歲能詩十二能綴文十六領鄉薦首選十七登第家居事父母處兄弟內外無間喪亂之後守獨立鄉後進宗師之卒李者私謚曰靖節先生

林天書

林天書名詔以字行福寧人勵行濟貧咸淳四年授晉江尉思尼父不入危邦之訓以疾乞歸後八年宋亡元初屢薦不起

宋秉孫

宋秉孫字彞父建陽人淳祐進士累官朝奉大夫入元不仕以吟咏自娛卒

李應龍

李應龍光澤人博學多文有節操至元間薦為白鹿洞長不赴尋薦漳州教授亦不赴多所著述

沈子真

沈子真字景實詔安人性至孝德祐間以歲貢補太學授揭陽丞不仕歸隱九侯山但書宋甲子人比之陶潛云

丘葵字吉甫居海鹽中因自號釣磯蚤有志考亭之學
初從辛介甫繼從信州吳平甫授春秋經義呂大圭洪
天錫之門最久風度端凝如立鶴振鷺宋末科舉廢杜
門厲學所著有易解義書解詩口義春秋道義四書日
請經世書聲音既濟園周禮補亡元時倭寇至其宅他無
所犯惟取遺書以去故其著述多無傳者

詹本

詹本字道生溫言正行高抗不仕丞相江萬里欲薦為
郎先致書於本本方坐門前石磯垂釣使者至問本居
本給曰前即持竿去不知所終

黃雍

閱書下同

黃雍字子邵永福人知宋將亡隱居山中語及時事恒
流涕被面文信公勵志恢復聞其慷慨多奇以詩招之
雍度時事不可為辭不就然每誦其詩以語門生與鑒
輒慟哭後時後信公開府南劍後物色之終不出
閱書同

鄭曾子

鄭曾子字子可晉江人弱冠有文聲咸淳十年試兩浙
寓太奈景炎丙子隨潭三山以迪功郎為潮州司法未
行泉州降元左丞蒲壽庚薦授梅州路治中不受閱
居終身平生個儻急義樂道人善是非曲直必當於理

郡縣士大夫有疑難事必造訪焉

丘富國

丘富國字可建安人受李朱氏之門人奉淳祐七年進士為瑞陽僉判宋亡不仕著周易輯解十卷經世補遺三卷易學說約五篇發明朱氏宗旨

刘志李

刘志李字師孔同安人與兄璧齊名釋褐教授台州以親老力求歸省未幾元兵南下杜門娛親蒲壽庚欲羅致門下固避之下帷講誦四方學者從之如雲

黃焱

黃焱字水心建安人父駟宋季為吏部郎中焱淹通書史諸子百家莫不精詣景定間領鄉薦國亡不仕隱天湖山築室數椽四圍植栢以不及首陽為魏

趙若櫬

福建通志

趙若櫬字自木崇安人長於詩尤工音律元高丞相入閩與語大說曰吾下江南所見名士無出生右者授同安尹不就著有澗邊集補遺通志下同

劉應李

劉應李字希泌建陽人咸淳進士授本邑簿與熊禾胡

廷芳講道洪源復建化龍書院於葛潭著有易經精義
傳世

范師孔

范師孔崇安人咸淳奔人讀書武夷精舍三司辟師孔
講書橫經析理深得要旨聞者莫不嘆服

范學可名師孔子行著有畫齋詩宋上房詩不出年七十五卒
七十五方

之有治靈稿聊復軒葉編詩學大成及詩宗韻府羣玉
行世 補建直志下同

儀孫

鄭儀孫號翠屏建安人從丘富國學易咸淳癸酉應賢良舉又
明年少帝北行儀孫遜而著書易圖說解大學中庸章
句史學蒙求箋註性理字訓郡守吳某率幕屬迎于學
師事之

真山民

遺民廣錄

真山民浦城人西山先生之裔宋亡後埋名隱跡字號
不得而傳其詩有云世換山如醉田荒草自新亦可悲
也 遺民廣錄下同

范學可

范學可

范學可名師孔聞之崇安人咸淳中恩荐肄業武夷書

廷芳講道洪源復建化龍書院於葛潭著有易經精義
傳世
范師孔

范師孔崇安人咸淳卒人讀書武彞精舍三司辟師孔
講書橫經析理深得要旨聞者莫不嘆服

毛直方

毛直方建安人咸淳中預荐後入元授徒講學士爭趨
之有治靈稿聊復軒藁編詩學大成及詩宗韻府羣玉
行世福建直志下同

儀孫

鄭儀孫號翠屏建安人從丘富國學易咸淳癸酉應賢良舉又
明年少帝北行儀孫退而著書有易圖說解大學中庸章

句史學蒙求箋註性理字訓郡守吳某率幕屬迎于學

師事之

真山民

遺民廣錄

真山民浦城人西山先生之裔宋亡後埋名隱跡字號
不得而傳其詩有云世換山如醉田荒草自新亦可悲
也遺民廣錄下同

重出

范學可

范學可名師孔聞之崇安人咸淳中恩荐肄業武夷書

院橫經析理開導後學師之者雲集工詩著有畫餅篇
宋上屏跡不出年七十五卒

趙必昇

趙必昇字伯暉九宗十世孫補承務郎扼腕中原懷古賦
詩有祖逖之志居泉州東陵日與漁樵方外士班荆燕坐
不復關人間事講解亶不倦有茹芝等集

趙必諤

趙必諤字文孫雲官長樂主簿易名文孫不接流俗專以
訓誨為事

趙若

趙若字順之閩崇安人入元屢經徵聘堅不肯赴惜其詩
失傳

釋德豐

釋德豐三山人遺民中隱於禪者也重陽一絕云戰盡今
秋見太平西風多作北風聲不吹烏帽吹檀帽籬下黃花
笑不成

陳敬叟

胡廣通志

陳敬叟臨武人咸淳中進士授迪功郎德祐北狩遂隱居不仕益肆力于學有巽溪集行世子章伯六高尚所著有巽溪續藁

湖廣通志下同

陳一發

陳一發字春卿巴陵人性聰敏年十六升上舍入對奉士車公薦之供奉翰林宋亡歸故山青林洞吟咏自娛元初行省官交薦於朝堅志不起時號雲岫先生

弓敏中

弓敏中巴陵人字士文年十二通詩書春秋諸經義潛

心嶽麓遺教書其室曰自明軒從遊者教以克己為要
高尚不仕見臨川江漢叙錄

趙東山

廣東通志 下同

趙東山東莞人系出濮邱博學能詩性高古不諧流俗
遇談勝國事則掩耳不聞嘗登鳳凰臺以舒懷抱每望
崖山輒潛然流涕邑中有何文季者亦慷慨敦節嘗相
與吟咏以寓黍離之悲人皆義之其詩多傳于世而東
山尤多石刻今尚存云 廣東通志 高

區適子

區適子字正叔南海登洲人今順德父與仕宋為德慶
叅軍廉介有聲適子幼俊爽能文詞及長厚重寡言爰
以博學聞於者多從之遊所居鄉名鮑洲而適子自號

登洲於是人更名其鄉登洲以適子故也適子抱道不仕或問之曰吾南人操南音安能與達魯花赤相俯仰耶京口劉與子序適子文曰君德人也余以文士目之淺矣扶脊之南粵臺之下寧沒有斯人哉子魯鄉元季出粟四百石作粥食飢者魯鄉卒盜戒勿犯其墓

羅鑄夫

羅鑄夫順德人生有異質日誦數萬言宋景定中以明經試省奉第一人是時廣盜鍾明亮起寇南海鑄夫告諸父老共為捍禦計鄉里賴之元代有天下鑄夫不忍仕遂隱居教授又作祠堂為蒸嘗伏膺以祀先人長老

曰公忠孝人也衆議謚曰義隱其次子文鳳仕宋為都巡檢後辭去廣置田莊三百頃歲入擬封君長老相傳曰無官寧羅蓋指鑄夫也嘗慕漢樊重之為人好行義讓不畜施舍蓋庶幾先正所謂君子之富焉

邵繼賢

邵繼賢番禺人天資明敏究心先儒理學以誠正為務早年領宋淳祐癸卯鄉薦歷任四川順慶府知府時元兵日盛退處贛州玉龍山中杜門修靜元世祖以先朝名臣徵之不出

蘇太初

廣東通志

蘇太初字大來樂昌人受業于李玉溪之門通詩易春秋宋末兵亂且耕且讀元主三聘不出里用死不能殯者殯之以所奉教授生徒後通顯者多出其門唐東通志

張奐

張奐海陽人深于易奉耻仕元至正中諸路兵起徙潮陽海口避之居嘗端坐一室以琴書自娛箪瓢屢空晏如也郡縣屢徵不就悃末俗禮教衰為申明四禮以化導其鄉俗化焉後有盜過其門曰此張先生廬也戒勿犯卒葵蓮花峰唐東通志

梁義夫

梁義夫電白人保寧鄉人有卓行博通經史在序負時名當路以偉器奇之值元兵遂屏跡山澗臨歿命其子書宋梁義夫之墓唐東通志

陳汝達

陳汝達海康人少習經史未及應奉而宋事已去遂隱居焉汝達時老病恐身後繫異國號預刻石為墓碑曰有宋陳公墓以囑其子曰他日勿改吾刻也墓今在擊

雷山唐東通志

唐文嚴

唐文嚴字克寬瓊山人任迪功郎及世亂隱居不仕建

松軒亭吟咏其中景炎間翰林李士陳仲微省郎謝少敏至瓊訪文嚴輒移晷不去嘗以詩文相命時人高之
唐東通志

宋季忠義錄卷十五終

宋季忠義錄卷十六

四明萬斯同輯

宗必經

江西通志下同

宗必經字子文南昌人景定二年以詞科發解明年壬戌奉進士判瑞州晉藩兵副與樞密陳宜中不合謝歸及宋祚革元世祖詔求江南人士留夢炎程文海交薦謝枋得等二十餘人子文與焉固辭迫脅以去械至元都繫獄三歲乃放還其在獄詩有云睡曉方知前是夢落花難上舊來枝又云不覓授書冬再易我思黃霸欲消魂歸隱于家
江西通志下同

宗必應

宗必應字子固南昌人登景定壬戌進士授江西招討

司計議官景炎丙子元人克真州徇江南招討劉槃欲以江西城降必應不可曰德祐之初降元者劉權無為軍失守今文開府徑略西南劉洙亦自省起兵往會可謂義奉名公不列洙是効而効劉權此何為者且能戰則戰不戰則死李廷芝姜才獨不可與同不朽乎槃不聽必應遂遜去人皆壯之

江西直志

丁中

丁中字汝明新建人性剛介篤奉力行丙申寶祐鄉奉補大奉上舍與徐鹿鄉吳澄為友聚書數萬卷訓子弟必先德後藝值宋運革隱居不仕人稱曰韋軒先生

江西直志

吳仲軒

吳仲軒進賢人度宗時第進士語江萬里曰國步日蹙吾不復仕矣遂歸隱教授于鄉四方從遊者衆侍御史程鉅夫疏薦不起作詩謝之曰抱病經年久何期徵詔臨芸窓書已蠹竹徑葉尤深空返皇華使難忘鷗鳥心懷君雖感激衰鬢不勝簪

江西直志

陳煥

陳煥字詩可豐城人煥博學和易黃讓父重其人為賣田築館居之二十年丙與鄉漕薦入元隱居巖山不仕取平生著述定為易傳宗書傳通詩傳微禮記釋四書

補註諸書行于世 江西通志

程以臨

程以臨字至可寧州人至元間除將仕郎辭不就天資超悟凡經史百家天文地理諸書靡不通貫尤長于詩構別墅閉戶讀書老而彌篤選編漢魏唐宋諸詩名曰刪後正音所著有瓢丸小集 江西通志

陰幼遇

陰幼遇字時夫奉新人家數百口五世同居登寶祐九年進士入元不仕父鄉貢士應夢授以凡例幼遇著韻府羣玉若干卷兄中夫幼達復為註釋若干卷傳于世 江西通志

胡幼黃

胡幼黃字成玉永新人咸淳甲戌進士授節度推官宋亡遂退居山中創讀書樓日呻諷其中元世祖用留夢炎等議令所在搜求宋遺士以開同榜狀元王龍澤起為監察御史獨幼黃邀進士豫章熊剛來安成劉應鳳皆避匿不出時論避之 江西通志

劉應鳳

劉應鳳字克奉安福人中咸淳癸卯鄉試明年對大廷以言忤時相寘第五授簽判元兵逼江南遂隱去以文娛自好莊子戰國策故人稱其文謂有霸氣文丞相破

執應鳳遇王昂翁對^林賦詩憫之有天留中子墳孤竹
誰向西山飯伯葵之句江西通志

周焱

周焱吉水人寶祐進士官南昌知縣宋亡誓不復仕閉
戶著書以娛老有通鑑論斷四書衍義行于世江西通志

康夢吉

康夢吉字叔誼龍泉人在大李時不遊湖山不謁貴近
賈似道欲館為子弟師力辭時人比之陳后山登咸淳
進士任撫州教授嚴程試本鄉射士蒼翕然尋以宋亡
棄官不仕江西通志

曾子良

曾子良金谿人三歲不言伯父容安教之誦詩則點首
應諾一夕見月忽能成誦本家異之及長為志性理之
學登咸淳戊辰第調興安尉迂淳安令與郡守一言不
合奉母歸養入元程鉅夫以遺逸薦授憲僉不赴扁鵲居
二字於堂以示其志卒年六十三學者稱平山先生所
著有易雜說中庸大李語孟解聖宋頌百行冠冕詩續
言行錄詩廣崇類稿咸淳類稿江西通志

于應雷

于應雷字震卿金谿人早治本于詩賦論策咸淳間領

鄉薦國亡隱居龍田里之五雲山以讀書誨人為事剛直寡合非大禮未嘗一入隣家事親孝謹為文嚴整有法與文正銘其墓曰其文金玉其質石鉄九十而終全士之節江西通志

李朋

李朋字壽甫崇仁人徑傳子史一覽弗遺尤精熟周禮會諸路奉義兵州密受蠟檄後聞崖山失守遂扁其間居之所曰閉隱庵取古不事二君者列書于壁足跡不出戶外雖至戚不得一入其中時復悄然淚下以憤懣致疾死年五十四平山曾子良銘其墓曰宋之義士江西通志

趙嗣詔

趙嗣詔字信道崇仁人咸淳元年進士初主嘉魚簿再

任紹興府司法叅軍宋亡隱居兄嗣謹亦先詔奉進士時同邑何晉字德翁與兄桂發俱咸淳元年進士詔與同構別堡躬耕以食日雜樵夫牧豎中短褐行歌夜則一燈相對講究不輟或有語及其亡事者詔曰受命而興古不一姓但吾輩不幸刑偶逢喪亂耳君何所見之不達也人以為至言江西通志

王科

王科字子純樂安人宋末貢補國奈國亡隱居不仕吳草

廬嘗曰耆儒宿衮吾如子純者寥寥若晨星子梁字良甫師事草廬嘗築汪陂溉田千頃鄉賴無旱邑長燮理溥化郡守楊友直皆加禮敬有西齋稿藏于

鄒汝陳

鄒汝陳字周弼一字悅道宜黃人宋末中博學宏辭科值革命隱居不仕遠近奉者多從遊及卒何太虛哀以詩云八窓九室失般倭善斷無人轉可悲又云門生定展玉通奉舊友誰成郭泰碑其見推于時賢如此所著有遺安集十八卷史抄十卷

黃丙炎

黃丙炎字純宗號思梅崇仁人咸淳元年進士授臨桂簿德祐元年差幹辦江西制司帶行禮部架閣加國子正除宗正簿比兵大至黃萬石棄撫州走丙炎不能挽遂歸隱又十餘年卒其詩文清整涵暢足自為一家初擢第歸道出安仁有盜殺人逸累居者既誣服丙炎以過客得盜名告使者謝曰君乍脫場屋洗冤如此可量哉千峰陳宗禮每嘆其清苦不可及劉涇溪銘其墓曰最不幸而以身從人又不幸而以文致身故雖有孔明公瑾而用之如陳琳阮瑀又如溫石二子而不得為許遠張巡豈非命

與講學不獲仕進于詩尤長性孝友親疾不辭帶居喪
有禮卒年四十次鳳孫暉孫皆有奉以直法

鄭松

鄭松字特立樂安人三預進士貢不第以邵子經世書
止於周顛德乃自庚申宋興至甲午金亡為續其二百
七十五年於邵子所紀三千三百一十六年間頗有更
定書法視昔尤謹其論國統絕續離合謂興國無所承
亡國無所授者各為系漢魏晉宋齊梁陳為一系魏周
隋唐梁唐晉漢周宋為一系遼金元為一系吳文正公
以為此論世儒未之及松入元隱居布水谷三十年於

凡古今因革聖賢心迹有所疑每就文正細商之不以
華行自居以直法

王道翁

王道翁崇仁人慷慨有大節初授安陸丞不就構室浮
丘山奉母以居時南村上舍張達翁有僕番任與張仲
四僕五二強悍爭衡五二密誘贛寇蔡九五曾栢三夜
劫王喬仙童二砦殺達翁收其財物達妻李氏抱男宗
紹依于道翁會文天祥勤王乃率其子弟及鄉勇千人
應募遂乘機破栢三寨追擒五二文圍之奉翁為義兵
總管翁率其子伯高會兵興國進勒蔡賊未幾元兵南

下天祥北行，翁散其餘兵，悲憤而卒。江西通志

陳祥甫

陳祥甫，號滿塘，樂安人。國學生。咸淳甲戌，嘗與同舍汪斗建揚期，奏上書論，似道誤國，不報。德祐乙亥，奉提督府何見山檄，與弟祥霖築堡紆義，偕鞏信張日中，屢角元兵於楮山。東固空坑等處，後徙居崇仁。自號南隱，誓

不忘宋。按崇仁志亦載陳祥甫好施平糶伏義急公壽後事江西通志

崇仁後事江西通志

李進

李進，字野翁，崇仁人。登淳祐二年進士，福建轉運司提

領，戶部贍軍所主管。值革命，隱居粟門，種瓜植菊，以終其身。虞邵菴稱其詩，每簡齋放翁，蒼山、東林之長著。硯谷居愧稿。江西通志

李士華

李士華，字庭實，崇仁人。幼喪父母，及二兄，值宋季，止賴子群起行劫，富者多不免。士華能自衛，迄完其家。入元，人皆易衣冠，為方笠窄袖。士華獨深衣幅巾，翱翔自如。眾咸笑為迂，則曰：我故國之民，義當然耳。善治生，家大富，則推以濟宗黨，貧者無不能其德。會有鬻爵之令，高賢者競趨之。士華恬不為意，有以空名告身來售者，却

之曰。吾不能以文。李取祿位。而涉銅臭之議。雖貴奚益哉。其他懿行甚多。鄉人師尊之。年八十有六。卒于至正
中。江西通志

周廬

江西通志下同

周廬字良載。鄱陽人。署江東提刑幹辦。時江淮屢警。廬繕城堡。豐儲峙。為捍禦計。咸淳甲戌。登進士。明年德祐乙亥。兵圍饒。廬奉母入保郡城。母卒。既殯。而城危。丞相江萬里守臣唐震死之。元將諭衆。能以城降者。署郡守。衆推廬。畧降表。廬泣拜。夜遁。事平。當路交薦。廬起南劍。治中同知。廣州總管。皆不拜。結廬。母夫人墓下。杜門。隱居。削跡城市。後以孫伯琦貴。累封番陽郡侯。廬明經博學。倜儻尚氣節。世以魯仲連擬之。江西通志

程時登

程時登字登庸，樂平人。自少慕義理之學，聞董珠得朱子之傳，而鄉隣程固山、李于盤、洞者，因往師之，搜探幽微，會博于約，咸淳甲戌，寇擾中原，朝廷不廢科舉，舊制合江東九路士試之。時登裒然首奉，明年登太學，又明年而宋鼎移，兵歸杜門，謝游客，四方請益之士，嘗輻輳盈席。一時名流，多出其門。元訪遺材，每物遺之，輒謝去。

月通志
周樸

周樸，字吉甫，鄱陽人。初從李于張采，以奇異才處之家塾。吉甫以其知己，事之不去。時盜起江湖，同州將以采知兵，使督州兵討之。盜有張家僮，率眾掠邑里，采將攻

之，而賊先發，遂遇害。吉甫走告州將，誓欲為張復仇。州將義之，授以兵。寡議者勸更募之。吉甫曰：我募而眾彼，亦眾矣。不若出其不意，急擊之。即持賊將屯，賊窮以金擲地，兵爭取金，賊脫去。吉甫立斬數人，以徇，慷慨流涕，誓不與賊俱生。眾感動，願効死力。攻一寨，破之，餘寨皆走。乘勝追擊，斬首數千，生擒僮賊，斬之，俎其心，肺為文，祭其師。境內賊柵數十，悉平之。元兵至州，將唐震死之。眾勸吉甫降，太守可浚。吉甫曰：吾為師復仇而已。他豈所望哉。即日散遣所部，隱居，不復言功名。月通志

余苞舒

余芑舒號息齋德興人少聰敏潛心程朱之學讀書暇
嘗正襟端坐語門人曰讀書須虛心熟讀其味無窮及
蚤了悟身心間事一刻有一刻受用其悟道詩有曰何
人解官身中事今~~我~~終知本有源養得心源身事畢春
花秋月共忘言辟李錄不就及~~易~~貴~~之~~際猶預謂子任
曰治生不求富貴讀書不求官譬如飲不醉陶然有餘
歡東坡此語不為無見須臾而遊

祝泌

祝泌字子涵德興人得皇極教于建昌廖應淮咸淳十
年登進士第歷饒州路三司提幹編修壬午會元以年老

乞休御賜觀物樓扁因建樓于居傍元世祖登極詔取
不赴遣甥~~傅~~立持書上之~~所~~著者有觀物解及六壬大占

祝氏秘錄革象新書

世祖本紀六年二月遣使訪道曉皇極教
鄱陽祝子孫其甥傅立持書來上

李存

泌

李存字伯遠一字仲公安仁人深明性理之學從上饒
陳靜明遊邑令延為師郡守聘典文衡三以高蹈丘園
奉中丞文獻公右~~丞~~烏古孫交章論薦李~~泌~~書奉以自
代相國京兆公奏補翰林屢不起乃葺書院授李者如
翰林承旨張仲奉危大樸輩皆出其門著有候菴諸集
王希旦

王希旦字葵初德興人隱居抱道究心孔孟之學師事
邑人余彘谷與其子邑舒互相切磋遂成醇儒元屢聘
之不就嘗曰余飢則食倦則眠不飢不倦則古聖賢
之書讀之而箋釋其義理何以仕為哉江西通志

王億

王億字時萬德具人博習經子探其理本嘗受業謝疊
山之門元累辟不就教授生徒從遊日衆建四勿齋以
館士所著有四書講義善族家訓等集江西通志

吳讓

吳讓字尊光安仁人受學陳立大與祝蕃遠舒元易李

仲公在竹莊書院講明性理李號曰江東四大儒元屢
聘不就依土為廬結草為坐著尊光集以傳世江西通志

史可甦

史可甦鄱陽人生而沉潛李崇篤實元初辟為郡李錄
以先世仕宋有顯者屢徵勿就乃杜門著述隱居餘干
棠隸橋晚迂鄱城之西博通群籍因寓意雷軒以起人
沉痾邑人德之顏其堂曰更生遂以更生為字行江西通志

余濟

余濟字心淵息菴子德興人少承家學踐履篤實一介不
苟耻同俗李應奉當元初累辟不就築小室日讀書其

中偶賦云白首黃塵送隙駒那知靜處迥然孤
念如秋葉萬樹西風一點無與徐芳谷王葵初相友善
每觸景廢和怡然自得所著有谷雲遺藁以函通之

刘辰翁

吉安府志

刘辰翁字會孟廬陵人家貧力孝李秘書歐陽守道所
守道大奇之辰翁貢于鄉會丁大全驟用辰翁對策嚴
君子小人兩黨論有司忌其涉謗擯斥之補大李生江
萬里為祭酒亟稱賞其文壬戌監試丞相馬廷鸞章鑑
爭致諸門下平章賈似道秉國政欲殺直臣以蔽言路
辰翁廷對言濟郎無後可痛忠良戕害可傷風節不競
可憾大忤賈意洎奏名理宗親寘之內第以親老就賴
州濂溪書院山長萬里官帥面強與俱乙丑萬里還樞
府以書招辰翁奉母來京數月母疾還萬里薦辰翁李

宜史館叅政王燭贊之除臨安教授拔四明戴表元三衢何新之三山馬鈞諸生中後皆為名進士莆陽陳文龍魁戊辰為德祐叅政萬里鎮大平兼漕節辟為江東漕幕知院馬光祖亦稱之曰文場獨步萬里再相向政何先長翁曰當先拔異議遭擯者丁母憂服除丞相陳宜中薦除史館檢閱辭除大李博士明年改知臨江軍事丙子宋亡萬里死節辰翁馳哭之壬午歸託方外以自詭辰翁事母孝慷慨立風節抑於時而天下知名士多欽其伉直平生耽著文史淹博涵深為文祖先秦戰國莊老有須溪集一百卷

周以道

周以道安福人篤志古學中宋試賦第一宋亡自石門遁迹于城南吉村稱復齋先生

周京

周京字伯寬吉水人咸淳解試直寶謨閣上書詆斥賈似道棄官歸元初屢徵不起所著有五經纂史漢音辨字書

文應麟

文應麟庐陵人丞相文天祥從孫倜儻尚志節景中丞相弟瑩守惠州應麟與之階屢勸瑩修城堞建樓櫓

積藁芟粮儲以嚴守備壁場其言及元兵至竟以城降

應麟耻之携二子起南遊于東莞之東渚遂家焉今其

子孫日蕃為名族壁字文溪既降元授臨江路總管文

馬行長已矣馬足速何莫骨以知無地論心更有誰親

好君自盡猶子是吾兒後有客以詩謁之云江南見說

龐季安

龐季安吉水人慷慨好義傾賞勤王為文丞相所重漢

能保障其鄉

胡仲雲

江西通志

胡仲雲字從甫高安人生有異質時人目為懸崖水晶

年十三即悉通書史淳祐中入太學率諸生伏闕上書

論罷京尹余晦蔡適為祭酒仲雲與弟仲霖師之盡得

朱氏之學負笈者盈館下寶祐登進士監行在倉時丁

大全用事欲鉤致以館職不就以江萬里薦除太學正

因忤賈似道出倅臨江既而家居諭止亂軍起為國子

監簿攝侍左郎官嘗覆試黜賈之從子初賈欲奉為御

史仲雲曰御史上親擢大臣不當先示以意輪對懇切

無假貸遂遷遷樞密院編修官攝尚寶右司賈時信任翁

應龍事下兩省輒以帖鈐楮尾無敢易者仲雲極論其
弊劄銜之無崇正殿說書上言陰疆陽弱五典且廢忤
賈黯為浙東提刑每權詔興安撫既至減月椿錢三之
二復追還買燈錢五萬賦三萬六千分諸貧民且令貴
人毋奪民利民大悅越有僧殺人賈黨匿之仲雲嚴限
寘於法會母憂去歲餘聞九江失守辟地南海携家泝
流至廬陵而卒江西通志下同

胡仲霖

胡仲霖字成甫高安人仲雲之弟嘗從事蔡適盡得朱
晦翁之季父子兄弟自相師友耻食元祿與其子希是
俱隱遯以終其身

胡希是

胡希是字則翁仲霖之子也八歲輒動循規矩語言端
方且悉通諸經史年十五從諸兄游京師一時名公皆折
華行與之友伯父仲雲嘗遣謁江古心盡得其為文法
下筆有西漢風至元革命家居著述夜分不寐端方嚴
篤一介不苟取與所著有洪範考訂大學稽疑太極圖
說史傳集論及迂山集行于世

孫興禮

孫興禮字慶甫寧都人力行孝友元至元間御史程文

海薦之以病辭後以孫勰貴贈官

王奕

王奕字斗山宋末人為邑博與其子介翁居玉瑯峯讀書其中素與文、山謝疊山友善及疊山就執北行送之詩曰皇天久矣眼垂青眇先生此一行遺表不隨諸葛死離騷長伴屈原清兩生無補秦興廢一出仍關魯重輕白骨青山如得所何須兒女哭清明詞旨激烈宋亡建斗山書院居之杜門不出所著有東行裝稿

戴羽

戴羽德安人隱居積學徵辟不就著武侯通傳三卷史

評一卷虞集為之序

徐必茂

徐必茂字幼季清江人宋亡必茂以父鄉孫宋侍郎不欲仕曾有薦為長沙尉上抗得安慶路同知皆不就以妹妻故文丞相子陞

羅椅

羅椅字子遠號礪谷廬陵人累官朝請大夫主權貨務
上書詆賈似道棄官去終身不仕元初尚存當時評詩
者以為宋南渡後自陳簡齋陸放翁而下不當推礪谷今
人鮮有舉其姓氏即其集亦不傳可惜也

其集宋遺民錄
訂誤李野深作

趙文

趙文字儀可號青山廬陵人仕南陵教諭出文丞相之
門丞相起兵叅其机事兵敗被俘至燕備經艱苦獲釋
歸有詩文傳世弟宗彊年十七第咸淳十年進士未幾国亡
流離閩嶠之終

張子惠

張子惠謝疊山門人疊山北去詩以送之有此去好憑
三寸舌再來不值一文錢之句期公必死也

邵定

邵定字中立廬陵人溫粹博雅通周易春秋宅邊植梅
竹蘭桂蓮菊各十餘本深夜大帶娑娑其間自稱六薊
老人

熊與和

熊與和字天樂南昌人性介淡無妻不食肉通經史百
氏之書布衣草履遨遊諸名山尤嗜彈琴草書

劉詵

劉詵字桂翁吉安之廬陵人性穎悟幼失父知自樹立
年十二作為科場律賦論策之文蔚然有老成氣象宋
之遺老鉅公一見即以斯文之任期之既冠重厚醇雅
素以師道自居教學者有法聲譽日隆江南行御史臺
屢以教官館職遺逸荐皆不報詵為文根柢六經踐跡
諸子百家融液今古而不露其踔厲風發之狀四方求
文者日至于門其所為詩文曰桂隱集桂隱詵所號也
至正十年卒年八十三

龍仁夫字觀復劉岳申字高仲皆吉安人其文李與劉
說齊名有集行世而仁夫之文尤奇逸流麗所著周易
多發前儒之所未發岳申用荐者為遼陽儒學副提舉
仁夫江淞儒學副提舉皆不就

楊應登

楊應登字幼年臨江人寬厚長者有德行言詞七試國
子不第退就耕牧老於南塘孫變

劉麟瑞

劉麟瑞號如村南豐人國以不仕詠死節五十人人各
系以事寔題曰昭忠逸詠

劉清史

劉清史號立雪江西人累舉不第生平刻意為詩歐陽
巽齊鄧中齋為序其前集行世喪亂之後與遺老羅礪
谷劉書臺諸公切磋砥礪益造精到

孫璉

孫璉字器之。大庾人家貧，益嗜書，不應選，夙耕織，履以食，終百歲。

宋季忠義錄卷十六終



